



መውልድ አካባቢ ሰነድ 1448 ሂጅርያ: እብ ነድረት ተዐዩደ


መውልድ አካባቢ: ማሌ ዮም 25 ኦገስት 2026 በህሊት 12 ረቢዕ-አልአወል 1448 ሂጅርያ እብ ነድረት ተዐዩደ።

ዲብ አስመረ - ሚዳን ጃምቦ ኩለፈኔ አራሽዲን እብ ገብአት፡ ውቁላም ሰብ ሰልጠት ሕክሙት፡ ጀብሀት፡ ሱፈረኔ ወዲብሎማሰዩን፡ ክምሰልሁመ ሚርሐት ደያነት ክስታን ወሙእምኒን ዲብ ሻረከው እብ ዓደት፡ ርኢስ ሙእተመር አውቃፍ እሰላም መዲነት አስመረ አሰይድ መሐመድ ብርሃን ዓጠ እግል ታሪካይት አሀምዮት ናይለ ዒድ ለትሸፊከ ከሊመት ቀደመ።

ሙፍቲ ኤረትርያ ወርኢስ መጅልስ ውቁል እፍተኣ ወቅደይ እሰላም ኤረትርያ መወላነ ሼክ ሳልም ኢብራሂም አልሙክታር እብ ጀሀቶም፡ ዲብ ክርስ ወጠን ወካርጅ ለነብር ሽዑብ ኤረትርያ “አሰናይ” ሐቆለ ቤለ ዲብ ሀብዩ ዲብ እክላቅያት ለረዘክት ኩጥበት፡ ምስል ወቅት ለገይስ ወሳኤል እትሳላት ህጅት ዲብ መስለሐት ነውዕለ፡ እብ ገሌ አፍራድ እብ ሰሜት ዲን ወብዕድ መሻቀዩ ጽልኢ፡ ደማር ወፍንጌር ጋብኦ ክምሰል ህለ እንዴ አሸረ፡ ክሉ እግል ለአምሩ



ሰኢሊ-አብርሃም በየነ



ወእግል ኢልትሀመል እሉ፡ አግደ ህዩ ሽባብ ወአጀኒት እግል ልደገግ ወልፍዘዩ ክምሰል ወጅብ ትፋኒ። መወላነ ሼክ ሳልም ኢብራሂም

እንዴ አትለው፡ ሽዑብ ኤረትርያ እግል እብ ደም ሹሀደኦ ውላዱ ለደረዐት ፍቲሁ ውውሕደቱ ክምሰልሁመ ሕውትነቱ

ወእሕትራሙ እብ ደቅብ እግል ልሕፈዝ ወልዕቀብ መስኡልየት ዐባይ ክምሰል ቡ አፍሀመ። ለእሕትፋል፡ ደረሰ ወክላዊ ቅርኣን

መዲነት አስመረ እብ ቀደመዉ አናሺድ ክምሰልሁመ መጃሚዕ መዳዩሕ እብ አቅረበዉ መዳሊት ጋምል ወናይር ዐለ።

ውዛረት ጣቀት፡ መናፌዕ በዲል ጣቀት እቱ ትከድም

ውዛረት ጣቀት ወመዓድን፡ አውጃዶት ወመትነፋዕ በደለ ጣቀት እግል ልትወሰዕ ወልትሓየስ ትከድም ክምሰል ሀሌት ሸርሐት።

ሙዲር ፈርዕ በደለ ጣቀት አሰይድ ተሰፋይ ገብረሂወት እግል ኤሪን እት እለ ሀብ ሐብረ፡ እት አትሓያስ ናይ ክርስ እስትህላክ ጣቀት ክምሰልሁመ አከዶት ብቅዔ ናይለ እት መዓል ክርስ ለልውዕል ከደማት ለሸቄ መሻቀዩ ከድሞ ክም ዐለው እት ሸርሐ፡ እግል እት አትሓያስ መገን አድሐነት፡ ምድጃ ወካነን ለከድሞ፡ ግማት ምህነት ወተእሂል ክም ልትነዘም አትአመረ።

እብ ገበይ ወዛረት ሐርስ እት ሽዑብ ለትወዘዐ መገን አድሐነት እት ሰነት 2000 ክም አንበተ ለሸርሐ አሰይድ ተሰፋይ፡ እትሊ ወክድ እሊ፡ ዕልብ ናይለ እብሊ ለልትነፈዐ ዓኢላት ሐድ 200 አልፍ ባጽሕ ክም ሀለ ሐበረ።

እት ዐድነ ለልትረከብ በደለ ጣቀት፡ ናይ ጸሓይ፡ ወልዋል፡



ሐፋነት ወሃይድሮጅን ክምሰል ከምክም እት ሸርሐ፡ ጣቀት ጸሓይ እት ወራታት ክርሱ ሐርስ ወብዕድ እብ ዋሰዕ ልትከደም እብ ክም ሀለ ወለ ትትሐመድ ፍገራት ትትረከብ ምኑ ክም ሀሌት ሸርሐ።

አሰክ እለ ብኩይ ለሀለ ዔማት ጣቀት ጸሓይ እብ ከሰስ እት ሀብዩ ሐብረ፡ 34 ሚጋ-ዋት እት ደቀምሐፊ፡ 2 ሚጋ-ዋት እት ድዋራት አስመራ፡ 2.25 ሚጋ-ዋት ህዩ እት ዐረዛ ወማይድማ ክምቱ ወደሐ።

ምግብ፡ ሐዲስ ንዛም ደፍዕ ደራይብ ወጀማርክ ክም ተመ ትሸረሐ

ዲብ አቅሊም ምግብ እት ሰነት 2027 ሐዲስ ንዛም ደፍዕ ደራይብ ወጀማርክ እግል ልትአንበት ገብኦ ለዐለ ሸቅል ክም ተመ፡ መስኡል ፈርዕ እትይ ቀበት ዐድ አሰይድ መኮንን በረኽትአብ ሐበረ።

ዴፍዐት ደራይብ እብ አሳስ ዋጅብ ዕልብ 62/1994 ናይ አማን እትዮም እንዴ አትአመረው ለወጅቦም ደራይብ ዲብ ወክዱ እግል ልክድፍዩ ክም ወጅብ ለሐበረ አሰይድ መኮንን፡ ምስል ናይ ሰነት 2025 ዲብ ልትርኢ ዲብ አወላይ ሰር ሰነት 2026 ለትጀመዐ ደራይብ ወጀማርክ ናይ 35 ምእታይት ዐባት ክም አርኦ ሸርሐ።

ዴፍዐት ደራይብ ዲብ ሰለስ ደረጃት ክም ልትከፈሉ እንዴ ሐበረ፡ ደረጃት “ሀ”፡ 1,200 ደረጃት “ለ” 18 አልፍ፡ ደረጃት “ሐ” 43 አልፍ፡ ወ 38 አልፍ ሰብ እጃር አብያት ክምቶም እንዴ ሐበረ፡ ምን ዓም ዕልብ ዴፍዐት ደራይብ 34,550 እት ወክዶም ለኢደፍዩ ክምቶም አፍሀመ።



ሰኢሊ ሳሚኤኔ ሃኮ

ኢደፍዕ ደራይብ እብ ማዳት ቃኑን ጀሪመት ዕልብ 355፡ 356 ወ 362 ናይ ማል ከሳር ወሰጅን ክም ሰብብ ለሐበረ አሰይድ መኮንን፡ ደረጃት “ሀ” ምን ወርሕ ጃንዋሪ አሰክ አብሪል፡ ደረጃት “ለ” ምን ወርሕ ጃንዋሪ አሰክ ፌብሩዋሪ ዲብ ሀለ ወክድ ለወጅቦም ደራይብ ክም ደፍዩ አትአመረ።

ወራት ጀምቦ ደራይብ ወጀማርክ፡ እብ አሳስ ቀዋኒን

ወአዋጃት እት መክተብ እትይ ቀበት ዐድ ክም ትሰርገል፡ እለ እግል ልትሸቄ ህዩ ዲብ አቅሊም ምግብ ሐምስ መክተብ እንዴ ትከሰተ ክድመት ክምላህይብ ህለ ሐበረ።

አሰይድ መኮንን እት ደንገቡ፡ እግል አድምዖት ፍዓልየትለ ዲብ ሰነት 2027 ለለክነብት ሐዲስ ንዛም ጀምቦ ደራይብ ወጀማርክ፡ ዲብ ጠወሮት መቅደረት አዳም ለረከዝ ድሩስ እግል ልትነዘም ክምቱ ሐበረ።

አስመራ፡ ወዕለ ሕፍዝ ሐርስ ኤረትሮፖ ገብኦ

ወዛሪት ሐርስ ለነዘመቱ ወጠንያይ ዋዕለ ሕፍዝ ሐርስ ኤረትሮፖ ሰነት 2026፡ “መትቀዳም አተላላይ ለቡ አንዝመት ሐርስ ወነብረ እግል ዐቦት እቅትሳድ ወጠን” እብለ ትብል ስቅራት፡ ምን 20 አስክ 21ኣጎስት ዲብ አስመራ - ቃዐት ኮንፈደራልየት ሽቃለ ትሰርገለ።

ዲብለ ወዘራእ ለብእቶም ውቁላም ሰብ-መዝ፡ ሕክ-መት ወጀብህት፡ ሰብ መቅደረት-ምህነት፡ ወካይል ሐረስቶት፡ ነብረ ለለአትዳሉ ወመአሰሳት፡ ሰብ-ሸርከት ሸቅል ወዐዙመት ለገብአት እግሎም ለሐድረው ዲብ ዓደት መክሰቲ፡ መስኡል መመቅርሐይት ልጅነት ዶክቶር ኤፍሬም ገብረመስቀል፡ ለዋዕለ ዲብ ሕፍዝ ለተንከበ ታያን እግል ክልቀት፡ ተሐድያት ወአብዝት ሐርስ እግል ባሐሶት፡



ዲብ ለሀልአብሳር እግል ናቀሾት፡ ክምሰልሁመ ዐቦት ዳይመት ዲብ መጃል ሐርስ ለሰዔ አግቡይ እግል

ፈረጎት ለአመመ ክምቱ ሸርሐ። ምዲር ዓም ቅሰም ከደማት ቀዋኒን ወመራቀብት አሰይድ ተኽለአብ

ምስግነ እብ ጀሁቱ፡ ወዘር ሐርስ እንዴ ወከለ እተ አሰመዐየ ከሊመት፡ ለወዕለ እግል ልግባእ ለአትናየተ፡

ለዲብ ጃንዋሪ 2025 ለገብኦ እድንያይ ዋዕለ ሕፍዝ ኤረትሮፖ ክምቱ ሸርሐ፡ እንዴ አትሉ፡ ዓጉድለ አርእሱ፡ መጃል ሐርስ ኤረትሮፖ እግል ልትጠወር ወክም አሳሰ ዐቦት እቅትሳድ ዐድነ ዶሩ እግል ልትአከድ ለትብይኦ ገለድ እብ ሐዲስ ለወዲሕ ክምቱ አፍህመ።

ለክልኤ ምዕል ለጸንሐ ወጠንያይ ወዕለ፡ ኤክስቴንሽን ሐርስ፡ ፈዓልየቱ ወክብቲሁ እብ ሐረስቶት፡ ዲጂታል-ሐርስ፡ ወሰክ ቂመት ወአላት ሐርስ፡ መንገፎ፡ ደማነት ቅዛእ ወነብረ፡ ባዮቴክኖሎጂ ሐርስ ወክደማት ላባራቶሪ፡ መትባዳል ጀው፡ ጋብሆት፡ አርዛቅ-ወርስ ወሕፍዝት ብዝሐ ሕያያም፡ ክምሰልሁመ ዐገል ሐርስ፡ መራቀብት ወእዳሪት ዲብ ልብል ሰማን አርእስ ለረከዘ 76 ውረቅ-ሕፍዝ ትቀደመ።

ጋሽ-በርከ፡ ሓክም አቅሊም ዝያረት ዲብ ከዛናት ወዴ

ሓክም አቅሊም ጋሽ-በርከ ሰፊር መሕሙድ ዐሊ ሕሩይ፡ እት ዮም 22 ኣጎስት እት ሙዲርየት ሀይኮተ- እዳረት ደዋይሕ ፊሰኮ ከዛን ፋንኮ ጽሙእ ክምሰልሁመ እት ሙዲርየት ሰነይ- እዳረት ደዋይሕ ፋንኮ ከዛን ፋንኮ ራዊ እንዴ በጽሐ፡ መሕበር ተዓውን መጀልበት ዓሰ ወድዩ ለሀለ ወራታት ጀለቦት ዓሰ ረኦ ወምሰል አንፋር መሕበር ሀድጌ።

መስኡል ፈርዖ ርዝቅ በሐር ናይለ አቅሊም አሰይድ ብርሃኔ መብረህቱ እት ሀበዩ ሸርሐ፡ ምሰል ውዛሪት ሐርስ ወሀይኦት ዘርእ ወንዋይ እብ መትዓዋን እት ሰነት 2018 እት 6 ከዛን ተዋብ ዓሰ ክም አንበተ ወመሕበር ተዓውን መጀልበት ዓሰ ክም ተአሰሱ፡ ክምሰልሁመ እግል አንፋር መሕበር ተኣሂል እንዴ ትዝመ አላት ጀለቦት ዓሰ እንዴ ትወጀደ እሎም ለወራት ክም

አንበተት ሸርሐ። ሰፊር መሕሙድ እብ ተረቱ፡ እት አቅሊም ለሀለ ከዛናት እት ዐማር መስኖ ሐርስ ወተዋብ ንዋይ ተረት ዐባይ ለአገዴ ክምሰል ሀሉ፡ ዓሰ ህዩ እት ደማን ሙነት ነብረ ዶሩ እብ ቀለ-ቀሎ ክም ኢልትርኤ እት ሸርሐ፡ አንፋር መሕበር እብ ለትወቀለ መትዓዋን እግል ልክደሞ፡ እዳራት ህዩ እግል ልትዓወኖ ምስሎም አትፋቀደ።

ሙደራእ ሙዲርያት ሰነይ ወሀይኮተ ህዩ፡ ሰነን እት መትነፋዕ ወሕፍዝት ናይለ ከዛናት መሻረኩም እግል ለአዘዶ ትወሰው።

አንፋር መሕበር ተዓውን መጀልበት ዓሰ እብ ተረቶም፡ እብ እግሉ ረክበው በክት ሸቅል መናበረቶም ሳይሮ ክም ሀለው እት ሸርሐ፡ ለእት ከዛናት ሀለ ለቤዕ



እብ ነሐር እግል ልትከደም ሰበት ኢቀድር፡ ሕሰር ሕክ-መት እግል ልትህየቡ ትላከው።

እሊ ክእነ ዲብ እንቱ፡ ለሓክም፡ እት እዳረት ደዋይሕ ፋንኮ እብ መዓወነት ሸዐብ ወእዳሪት አቅሊም ትትበኔ ለሀሉት መድረሰት ምግባይት ደረጀት እንዴ በጽሐ፡ ወራታት ብናህ ረኦ።

ወራታት ዓፍየት ወአሰራት ዐዋዲ ዴራይ ዲብ ግብለት በሐር ቀየሕ

ልጅነት ሸክት ዐዋዲ ዴራይ እት አቅሊም ግብለት በሐር ቀየሕ፡ እግል ሰብ-ሸርከት አጅሀዘት ዐድል፡ ፖሊሱ ከደማት እጅትማዕየት ወልጃን ዕራት፡ ምን ዮም 19 አስክ 21 ኣጎስት እት ዐሰብ ተኣሂል ነዘመት። ለምን አፍረዐት ዐመል ወመንገፎ እጅትማዕየት፡ ዓፍየት ወመሕበር ወጠን አዋልድ አንሳት ኤረትሮፖ ለትክውንት ልጅነት ለትዝመቱ ተኣሂል፡ እት ሕቁቅ አጀኒት ወአዋልድ፡ ሀይፍ ወአሀምየት ሰጅል ሐያት፡ ሰዋልፍ ዓዳት ወተኣሲሩ ቅደይ ወአግቡይ ባለሐቱ፡ ዐዋዲ ዴራይ እብ ዕን ቃኑን፡ ክምሰልሁመ እት መደረት ክሸቦ ውብዕድ ዐዋዲ ዴራይ ለረከዘ ተውዴሕ ፋይሕ ትቀደመ እቱ። ሀይፍ ናይለ ተኣሂል፡ ፈዛዐት እንዴ ትወቀለት እት ኡብደየት ክሸቦ አዋልድ ወሀዳይ ንእሽ ሙጅተመዕ ተቅዩር ጠቢዐት እንዴ አምጸኦ እብ መትሐሳር ክም ሸቄ እግል ልግባእ ቱ። ሓክም አቅሊም ግብለት በሐር ቀየሕ ሰፊር መሕሙድ-ሰዒድ መንታይ እት ካቲመ ናይለ ተኣሂል እተ አሰመዐየ ከሊመት፡ ለልጅነት ሸቅለ እግል ልትሰርገል እሎም ተኣሂል ናሰኣም ለሀለው አንፋር ተረት ዛይደት እግል ለአግዱ ትፋኑ። እብ ብዕድ እንክር፡ እት መዳይን ጢያ ወዕዴ፡ ፈዛዐት መጅተማዕ ዲብ መጃል ዓፍየት እብ ዓመት ለለዐዱ ሕማማት ህዩ እብ ፍንቱይ



እግል ትትወቀለ ለአመመ አትፋዘዕ፡ እት ዮም16 ወ 17 ኣጎስት ገብኦ። መስኡል ፈሬዕ ውዛሪት ዓፍየት ዶክቶር ዐሊ ሐሎ ዲብለ ቀደመዩ ሸርሐ፡ ወራታት ዓፍየት ሕማማት ዲብ ፈዛዐት ወፈሀም ለልተንከብ ክምቱ ሐቀለ ሸርሐ፡ እብ ነቃሰ ነዳፈት ለመጽእ ሕማማት እግል ዓፍየት፡ መትነፈዕ አሸቀት ወነዳፈት ቀንቢት እግል ልትአከድ ትፋኑ። እት አቃሊም ቅብለት ወግብለት

በሐር ቀየሕ እብ ብዝሐ ልትርኤ ለሀለ ሕማም ሰፊር እግል ራቀቦት ትሉሉይ ጅሀድ ገብኦ ክም ሀለ እንዴ ሐበረ ህዩ፡ መጅተማዕ ዲብ ድዋሩ ለትዳለ ከደማት ዓፍየት እብ ዋጅብ እግል ልትነፋዕ እብ ለክ ቀደመ። ዲብለ ፈሬዕ መስኡል ውሕደት አትፋዝየት ወሐብሬ አሰይድ አሕመድ ዐሊ እብ ጀሁቱ፡ ዐድድ ሐማይም ሰፊር እት ወሰክ መጽእ ሰበት ህሉ፡ ከሉ መዋጥን ፍሐሰ እንዴ ወደ ሐለት ዓፍየቱ እግል ለአምር አትፋቀደ። ዲብ ደንጎቤ ምዲር ምዲርየት አራዕተ አሰይድ ብርሃኔ መዝገቤ ወመስኡል ውሕደት እቅትሳድ ዐማር ምዲርየት ምግብ ደንካልየ አሰይድ አሕመድ አድም፡ አድመየት ዓፍየት ልጽናሕ ለልትበሀል ሰበት ኢኮን፡ ነዳፈት ቀንቢት ዕቅብት ወመትነፍያት አሸቀት እግል ልዕቤ እብ ደረጀት ደገጊት ወእዳራት ዳሕያት ለትትነላእ ምስዳር እግል ትተረድ ትፋኑ።



ኤረትሮፖጂዳክ

ክል አርቡዕ ለትጠ'በዕ ጀሪደት

መዳሊያይ፡-

- መሐመድ እድሪስ

ለይአውት

* ፋጥነ አድም

አርተያት

* ዘህረ ዐሊ

ተለፎን፡ 121797/201820 (258)

ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡163471-07588045

አትአመሮት፡

ተለፎን፡ 125013፡ ዕ.ሰ.ቡ፡ 1284

1^ይ ክፋል

በዐል ባድያይት አው ዓርባይት እት እመስል እት አንገዋጌ ትርኡኒ። ክል ፈጅር ምን አምዴላት ረቢ እት አንገዋጌ ለጌሰ ወለ መጽኦ ለሀድገኒ። ግሳይ ወቀኒጽ፡ ጊያሰ ወአምሆላል ለመድጃ ገብአ ወርእያይ ዕንመ እቱቱ ላለሐሚኒ። ለገብአት ኢትጸብጠኒ ሰብሓን አላህ! መትመዋጅ ወአምሆላል ምን ልታለውኒ ሰኒን ወደው ምስልይ። እት እትደሬ ወአቅሎ፡ ተሐት ርእይ ለዐላ፡ ለዐል እጸንሐ፡ ለዐል ርእይ ለዐላ፡ ህይ ተሐት እጸንሐ። “ሄያእ ህቱቱ ሚ ኢተን። ረቢ ካርዑ ልግብእ ልግዕዝ ወየሐድር” እት ልብሎ ምስል አርወሐቶም ክምስል ልትራቀሞ እወድዮም።

ዕርፍ ሰአንኮ ወራሐት፡ ግሳይ የሀለ ወሰካብ አብ ፈተር ለዓርፍ ወጸብሬ በዐል ዓርባይትመ ወገህ ጋብእ ልግበእ! ሕብዕት ልቡ ለኢደሌ። እብ መዋዲቼ እት ልትሐኬ ሰኒ ልትፋከረኒ። ምስጢር ደሚርይ ወልብይ ላኪን እግለ ለአትቃምተኒ ኢተን ወለልርኤኒ። እግልይመ መስጢር እት እንቱ ሰካብ ላሊ ክልኤኒ። ክሉ ሰብክ ወሳግም እግል ሐናት እት ለአትጋይሱ ወአነ አምሆላልይ እምበል መስለሐት እባቱ ለመተቅብላይ ለአቤኒ።

ናይ ላተ በናተ አምሆላልይ እግል መስለሐቲቹ ኢተን ወመስለሐት ቅባልይ። እምበለ መትመዋጅ ምን ገብእ ደሌኒ? አየ አነ ረቢ ለአብሬኒተ ወለክራት እቼ ለህሌት ልርፈዕ ምንይ። ምን ህለ ገብእ መከይራይ ወምኤምራይ ለቀብ ደሚርይ ለአሰኢኒ። ደለ ርኤኒ ወሰምዳኒ ህይ እብ ህኑን ወዋሙስ ለሐሚኒ ወሰሚኒ። ሰሚቹ ተረሰዐው ላለአምረኒ ልግበእ ወለ ምን ቅብላት ሰሚኒ። መትላክያይመ ሰሚት አተምበሊቹ ክልኤኒ። አይወ! ወድ ምን አደሚ እበ ለበርድ አለቡ። ክሉ እግል ሕሚት ሌግ ሰሚኒ ወለሀድገኒ።

ህኑን አነ እግል ይኢበል፡ ሕያይ ለኢለአወይነ አወይን ወአምር። መዋመሰት ላቱ ኢተን፡ ለእግለ ቃዊ ለአነ ይህሌት፡ በስ ልብይ መስጢሩ ክልኤኒ። እሊ እት ከርስ መስጢርይ ደጉል ለሀለ ልብይ እት ምን እሸከይ፡ ለሐቅ እግል ለአፍግሩ ወአናመ ሴር ሐያቹ እግል ሰኒ አበይኑ ወአምሩ። ለላሊ ክምስል ወናብ ለትትካደል እቼ ዓርባይቹ ህይ ዲመ ትትዋሰፍ እይ። ለወሰፋ ክምስል ሰራት ልትካደል እይ። ለሰራተ ህይ ዲመ ምን ገጩ ኢትብዴ።

አነ እግል ኖሼ እሊ ክሉ ለእግሉ እቤለክም ይሀድግ እቱ። ሚ እግል ኢዴ? መስጢር ልብይ እት ደሚርይ ትሐብዳኒ። ቀባይ ምንዲ ልትአመር ላቱ ኖሱ እኪቹ ላለአቤ እት ሺክ ወሐኪም ወአሳሬኒ። ሐብዓይ ሕማሙ ሐብዓይ ደዋሁ እግል ይኢትበህል ለእግለ ደገምኮ እግልክምተ። አናመ ቀብ ርሕይ እት ደሚርይ ድጉል እት

እንቱ ተሐብዳኒ።

“ቁል ትግበእ እቱ እንጉሊ ጽምት፡ ክምስል ሰረፍራፈት ትትመወጅ፡ ሌግ በሉ” ክምስል እላመ እት እትበህል ረቢ እብ ክልኤ እዝንይ አሰሚዳኒ። ህደጉኒ ለቤለ ኢተን፡ ላመ እግል ኢልትበህል ልትደገግ ኢለአዝሞ ምኑ ውላድ ሚን አደሚ። ሐያት ፍርደ ምን ክለነ ኢበዴ፡ ሄራረ ተአተላሌ። ሰር ምራዱ ተአበጽሐ ከእብ ሽንሂቱ ቀርድ እተ ወፈሬሕ፡ ለትሰሐቅ እተ ወበርጅ። ሰሴዕ እተ ከልቤታዩ ለአበርድ። ወሸንሂቱ እት እዴ ማኑ ለአትዋርድ። ለዲመ እብ ሕልም ትትረአዩ ዓርባይትቱ ህይ ዲመ ደማይን ምስሉ እግል ተአመሕብር ልተምዴ።

ሰርመ ላኢትጸበረየ ምሽዊት ተአጸንሐ ከድግልተ ምን ድቦ ፋቴሕ ወባሌሕ፡ ወህተ ተአቤ እግሉ ከአከይ ሕባብ ትገብእ ከእግል ተለሊት ሕሹኩብ ተሐሬ። እግል እት ሀማት ወሸቀላት ልትካሬ ህይ ዲመ በዐል ሀጋይን ክምስል ገብእ ትወድዩ። ላኪን ለናይ ላተ በናተ ለምን ሰሐቃም ትፍንቱ። አላህ እስታቅፍርላህ ምን ገብእ ህለ ናይ ልብይ ለሓኪኒ? ናይ ልብይ ምንዲ እደሌ ምን ህለ ገብእ ለሰራይ እት ክልኤ እዴይ መጤ?

ሰአላቹ በዝሐ በሬ ወዴኩም። ሀም-ገም እብ ሀማት ወሸቀላት ሰካብ ላሊ ለአቤኒ። ለህኑን ወቅሱን ሰሚይቹ አትረሰዐያኒ። ሚ እግል ኢዴ በሊስ እት ሰአላቹ ልብይ ሕብዕቱ ደሚርይ አትሐገኒ። ምን ገብእ ልትሰአለ፡ ወለአዳግመ፡ ፋሬሕ ኢልግበእ ላመ እግልይ እብ ህኑን ወቅሱን ለከኒ። ረቢ እንዴ ወደየ ልብይመ፡ ከድግልቱ ፈቴሕ፡ ወክልኤ እግርይ። ምን መትደዋክ፡ ለዓርፈ፡ ወንግልይ እብ አድጋማት ልትፈተሕ፡ ወክልኤ እዴይ ቅብላት ንግልይ ከማትሐ። “ጀለ ወጀላሉ! ህኑንመ ወቅሱን ክልኤ ዶል አትሃገ” ለእትበህል እቱ ወክድ ጽብሕ ምድሩ እርኤ እገብእ? ምን አመረ፡ ክሉ ኢተን ለእብ እኪቱ በሌ ወዕቀርት ልቡ ኢደሌ።

አይወ እላመ ረቢ ወድዩ ከሐቱ ከእብ አካነ አድብር ወአደርብ እንዴ ተዐርረ ክል ግምጫት ወጭዊት ፋቴሕ። አቤ ጀለ ጀላሉ ሞላይ ለዕቀርት ሀማት ወሸቀላት ለእብ እፍራጅ ፋቴሕ። ዶልተ ከሐቱ እፈቴሕ ወአሰር ወኢተአመረት እለ ለእግልይ እት ጩባብ በይንይ ተሐኒ። ተዐውዝ እወዴ እብ ዛህር አሰክ ጀፈርይ ለህለ ለአተንሴኒ። ተቀም እብል እብ ድሁር ህታተ ለእብ በይንይ ተአትገሴኒ። ምን መሕበር ጭንብወ ሐሬ፡ ምንቱ ገብእ ለምሽዊቱ እብ በኑ ፈቴሕ? ሕብዕቹ እግል እገልብብ ወድግልት ደሚርይ እበርብር። ክሉ እሊ ላኪን ሐቱመ ኢረከብኮ እቱ መስጢር ልብይ ለለአፈግር።

አልምህም ምን ህለ ገብእ ለሰዴኒ?

ምን በይን እት መሕበር ለለዐግለኒ። ምን ተቀም እብ በይን እብ ራትዐት ሕብዕት ልብይ ላለአበርብረኒ። እስትቅፋር ኢዴ አዜመ ምን ቱ ገብእ ለእምበል ረቢ ናይ ከርሼ ለአርኤኒ ወልአሰምዐኒ? ኮንዶእ ይህለ መሰለኒ።

ሰዐይ እበይን ኢለአበድረከ፡ ወኢለአደንግበከ፡ ወበይኑ በሌዕ በይኑ መይት፡ እባቱ ለክል ጭዊቹ ኢትረቴዕ፡ ወእሰርቹ ኢትትፈተሕ። አይወ! አናዲ ለክራት እቹ ለህሌት ሸረ ልክለኢ። ረቢ ካርዐ ትግበእ ለሓለት እሌ። ፍግረቹ ምን እሌ፡ ፍግረት ምን ከሌዕ ፋሌሕ ተ፡ ወበዐል ቃብል ኢልሰእዩ፡ ወበዐል ኖስ ኢለአወይን። “ያሞላይ! ጭዊት አርተዕ፡ እስር ላህሌት ፍትሐ፡



ሕብዕት ላህሌት በርብረ ከመሰር ዲማህ ሀበ። አይወ ሐቱተ ክአምዕለ ትጸንሕ ክምስል እንሰምዐ ወእንርእየ ከእት ድሊት መስጢረ ትበጽሕ። አናመ እብ አምዕልይ ሕብዕት ልብይ እላተ ኖስ እብ መስጢረ ተትሃጅከኒ። ሰብር ሰኒቱ ምን የአመረ እግለ እት ሄራር ሐያት ሐቱ ምስዳር ለኢጌሰ ወኢደለ ሰኒ ለአተንሴኒ።

አድሐ እትሊ ለእግሉ ደገምኮ እግልክም እውዕል ወላሊመ እተ ምኑ ልትመክረህ ሸቀላት። እለ ላሊ እለ ላኪን ብሻረተ ምን ጽባብሐ ባይን እግልይ ትመዩ። ወቅት ሰር ላሊ ክምስል ገብእ ነፍሼ ፈርሐት ወለውቅት ህተን ወረያህ። አናመ ምን እቱ እክሩር ለኢዐልኮ ሰምጩ እብ እንክር ማንይ ትበልሰኩ። አዜመ አርወሐት ፈርሐት ወቀርደት። ቀንጽኮ ከሸክር እግል ረቢይ ርክዐቱን

ትሰሌኩ። ፈርሐኮ ወትለወቅኩ። እብ ሰመዕ እዝን ልግበእ ወረኢይ እብ ዕን ላኪን ለሓለቹ ክምስል ብዲረ ሌጣተ ለዐለት። ሐዳሰ ሐቱመ ኢርኤኩ። ላሊመ ክባባይ ገብአት። ላመ ሐዲስ ሽዑረ ፈርሀት አዜመ ኢትፈንቱኒ። አናመ እግል ፍንቲት ወበይን እንዴ አዘምኮ ምንን ነፍሼ ትትሃጅክ ወትትለወቅ። ለወቅት ወቅተ አዜቱ ሰበት ቴሰኒ። ልውቅ እት አነ እግል ሃጁክ ወመሓበር አንገዋጌኩ። እብይ ላልትከሰሰ ላኪን ምርት ኢርኤኩ። ክሉ “ኬን ቦሉ እሊ ህኑን” እት ልብል ለሐሚኒ ክምስል ዐለ አናመ ትዩቀንኩ። እብ መብህል ናይ አዳም እንዴ ይእትከሰሰ አናመ እብ ፈርሐት ደሚርይ ልውቅ ወፋርሕ እት አነ እት ዐቢ ሻሬዕ እድንዩ ለልትበህል እብ በኤታይ ኬን ወእንሰር አንገዋጌኩ። ምን እቱ እንብር ዐልኮ መትሀናን

እት ተአደራከክ እተ በል አበለየ ረአየት ክልኤ ዕንቹ። እላሂ! ፈረጅክ ቀርብ ምን ቀብትከ። እት መደት ሐሚር፡ ምን ሕርጠት ሰይፍ ለትሸፍግ እተ ህሙም ትትፈረጅ፡ ወሰአየት ባትክ ምን ምራዱ፡ ትምኔቱ፡ እብ ሰኔት ተአተምም” እለ ደዐ እለ እተ ወክደ ፈረጅ ምን እቱ እንብር ለዐልኩ፡ ከሌብ ጭምቡወ ወበርሱሴ ወበቲክ ሰአየት ለትደዳኩ፡ እበ ደዓ ተ።

ህታመ እብ ሐቱ ሓጀት እግል ትትሰአሰኒ አሰክይ እገረ ራፍዐት። አናመ ለደረኬኒ እንዴ ይእደሌ አሰክ ትጌለልኩ። እት ገጽ ክለነ አሻይር ፈርሐት ወለውቀት ልትቀረእ ምንመ ዐላ፡ ህተ ላኪን፡ አቤ! እለ ለእምብለ ዕድም ወወጃብ ለሳደፈተኒ፡ ሉለት አዳምየት፡ እብ ሐያእ ወክጅል፡ ሚ ልብሉከ፡ ናይለ ሕሹማት እማተ ወሐዋተ ገላበበቱ። አነ ላኪን ሰኒ ምን ልብይ ክምስል አምረ አትባርህኮ እግለ። “ሰላም” ትባለሰከ። (ሰላም ወዐሌክም ወረሐመቱ ላህ) ለፍንጌ ክልኦት ጋሻይ ለትትበለሰ ሰላም። ለሰኩን እዋምእናን ወአማንት ለትከልቅ ዘዐት፡ ለትትባደል እተ ሰላም።

ህተ ዶል እት ተአትቃምተኒ ወዶልመ እት ተአድነዋኔ ምንይ እብ ክእኒ ህግዩ እስተብዴት ምስልይ። “ወድ ሰብ አነ ምን እሊ ባኮት ቅሩብ ማጽአት ህሌት። አዜ ቀርድ ዐለ እግልይ፡ ወለ ቀርጄ ራክበቱ ይህሌት። አዜ እንተ እንዴ ኢትጸብዋ እቹ ወድ መዲነት ገብአክ ምንዲ ገብእ ወሐርከኒ?” ቴሰኒ ከቅርደ ደግመት እግልይ። አናመ እብ ጀሀቹ።

“ያሰላም ሓባብክ ዐሽረ ወለት አብ፡ እለ ለቀላል ተ፡ እግልኪ ሴመ ኢተን ዐሪግ ኢትሓዜ ወመትከራይ። እለ ምንዲ እወዴ እግልኪ አናመ ምርወት ይህሌት እቹ በሀለት ቱ። ቃዊ ወጋሻይ ሐብሬ ለሐዙ ወሕድርኖት። ሚቱ ለእቡ ትትሰአለ፡ ወለእግሉ ትሐዘ።” (አናመ እብ ብሶቹ እንቲ ተሰአልከኒ እንዴ ኢተን፡ ምህመቹ እምብለ ኬን በሉ፡ ወሕለፋ፡ ሕሉፍ ልግብእ) ሐቱ የዐለት እግልይ” እቤለ። ሰሩ እብ እዝን ልትሰመዕ ወሰሩመ እብ ሐንቱ ንግልይ። ምስል ደሚርይ ትባለሰኩህ። ዕመቹ ሰኒ እንዴ ገፊኮህ መጦረ እት ሻሬዕ እዲን ገንድሎ ለዐለው ሸባብ ገናደልኩ። እተ ዶልይ ክም በዐል ለውቀት ገንደልኮ ምስለ። ላመ በዲር እብ ህኑን ወዋሙስ ገንግሩኒ ለዐለው ሰብ አምርይ፡ አዜመ በክት ሕሚት ሰበት ረክበው፡ ምን ክትፈቹ ሐቱ ይሐድገው። “ረአዩ መለሀይክ ዮመቱ መጦር ወለት ገናድል ህለ። አድቦ በዐለ ኢልቅጠረ፡ ክምስል ሕያይ መጦር ወለት፡ እንዴ ገብእ ልደሬ ወለቅሎሌ ትርእዩ ህሌከ? ሕሻኪ እግለ ለጋሻይት አንግላይት” እት ልብሉ ሰሚቹ እብ ድሁር ወውቁል ረፍዐወ ወከረወ። ህታመ መስኪነት ለአትቃሙቶም ነፍሰ ሰበት ኢረዴቱ እግል፡ እት አርድ ጣፍሕ እት ትሄርር እብ ክጅል ወሐያእ እት ትትዐናቀፍ አቅመትህ።

ልተላሌ.....

“ላመ ክቡድ ቀሊልቱ ትብገስ ሌጠ” ሐረስታይ ገብሬመድህን ገሬዝግሄር

ኢብራሂም ነፋሶ

ወኪል ወካሊት አክባር ምን ምዴርየት ግንዳዕ

ዲብ ሄራር ሐያት “ላመ ክቡድ ቀሊልቱ ትብገስ ሌጠ፡ መሻክልመ ምን ሳድፍ ለሐልፍ ትብገስ ሌጠ” ለልብል በሀል ሀለ። እሊ ለልክትፋዝሶ በሀል ሳክት ኢትብሀላኒ። ምስጢር ዐውቲ ህኩት እንዴ ሐደግከ እግል እሸቁቱ እንዴ ትብ ትብገስከ ምንገብእ ክምቱ ለልክትፋቀድ ቱ። ብዝሐም ዲብ ለትወቀለት ደረጀት ዐውቲ ለበጽሐው አንፋር፡ እብ ለትፈናተ መሻክል ለሐልፈው ክምቶም ታሪክ ዶል እንገራጅዕ ለእንረክቡ ሐቃይቀቱ። ሰበት እሊ መሻክል ዶል ሳድፈን እግል ንትዐደዩ ክም እንቀድር እንዴ ፈሀምን ወሰብር



እንዴ ወዴን ለኢሐልፍ ክም ኢህለ እንዴ አመነ ወሐል ናይ መሻክልን ሰብር ወሸቅል ክምቱ እግል ንፍህም ወጅብ። እብሊ ህዩ እብ ሰቀት እት ነፍሰ ወምርወት እንዴ ተዐንደቅን እግል ንትዐደዩ ክም እንቀድር እግል ነፍሰን እግል ነትአምን ወጅብ። መሻክል እንዴ ተዐዴን ዲብ ረህየት ክም በጽሐን ህዩ እግል ንፍራሕቱ። ሐረስታይ ገብሬመድህን ገሬዝግሄር ወድ 80 ሰነቱ። ህቱ ምን ሐረስቶት ዓኢለት ምንመ ልትወለድ፡ ምን ወክድ ንእሹ እንዴ አሰብደ ናይ ሐርስ ረቅብት ለዐለት እግል ነፈርቱ። እቱ ለሐልፈ ፅምሩ ህዩ ምን ሰነት 1976 እንዴ አሰብደ ዲብ መንጠቀት ምፍጋር ጸሓይ ምስለ ለዐለው ሙዝማት ጀማሂር ዲብ ሀንደሰት እንዴ ትኅዝመ አስክ ምጸት ሕርየት መጦር ሙናድሊን ጀብህት ሸዕብየት እንዴ ተዐንደቀ ዶሩ ለሀብ ሙዋጥን ቱ።

እብ መዕጸም ወፍድብን ለልትአመር ሐረስታይ ገብሬመድህን፡ ሐቆ ሕርየት ምን ሰነት 1993 እንዴ አሰብደ፡ ዲብ ምን ፅምር ንእሹ ለፈትዩ ሸቅል ሐርስ ወብን እት ለትፈናተ መክሰሳት ክም መክሰሰት ብን ሰገን፡ ገደም፡ መክሰሰት ካህረበት ሕርጊን ወብዕድ ናይ አፍራድ መክሰሳት ከድመ። ሐረስታይ ገብሬመድህን ዲብ ሰነት 2014 ህዩ እግል ሐርስ ለገብእ አርድ እብ ዋጅብ ክም ትሰእለ እብ

መፋህመት እዳረት ደዋሐ ደንጎሎ ምዴርየት ግንዳዕ ወፈሬዕ ውብረት ሐርስ ናይለ ምዴርየት ምን እዳረት ዳሕየት ደንጎሎ ተሓት እንክር ግብለት ምፍጋር ጸሓይ ተህየቦዩ።

ሐረስታይ ገብሬመድህን ዲብ ብለቅ ለበዝሐ እቱ አርድ እንዴ ከድመ እተይ እግል ልርኩብ ክም ቀድር እብ ክለ ሰቀት እንዴ ትብገስ ህዩ፡ ሐቆ ናይ 4 ሰነት ክቡድ ካድም ለአርድ እግል ሐርስ ክም ልዋዕም አዳለዩ። ለከሰሶም ጀህት ውብረት ሐርስ ህዩ እግል እብ ተካሊፍ ወጅህድ ቱሩድ ለከድመዩ አርድ እግል ሐርስ ብቀዕ ክምቱ ክም አከደው “መንፈዕት እግል ለሀብ ለቀድር እብ ሰበት አዳሌካሁ እንዴ ሐረስከ ብላዕ” እንዴ ቤለው ሰምሐው እግሉ። እብሊ

ለትናየተ ሐረስታይ ገብሬመድህን መዕነውዩቱ እንዴ ወቀለ ነሻጣቱ ለአተላሌ ወአርዱ ለአሰኔ ህለ። አሰክ እለ ህዩ አርባዕ ሄክታር አርድ እግል ሐርስ እንዴ አዳለዩ ለአተላሌ ህለ።

እምበል እሊ ሐረስታይ ገብሬመድህን እግል አሰክ አርዱ ተአቱ ለዐለት ናይ ጨበል ጽርግዩ፡ እብ መቅደረቱ ዲብ ለአሳኔ ሕደግ እግል መካይን እግል አጋር እንዴ ኢተርፍ መሻክል ለዐለት ሐድ ክልኤ ኪሎ መትር ናይ ትርብት ጽርግዩ እስኩይ ህለ። ፈድል እሊ ጅህዱ ህዩ ምን ሰነት 2016 ናይ



ሐርስ ትራክተራት ዲብ ገርሀቱ ለአትዩ ወእግል ልሕረሰ እግሉ ቃድራት ህለዩ። እሊ ህዩ እግል መንፈዕቱ ለወደዩ ሌጠ እንዴ ኢገብእ እግል ክሎም ዲብ ድዋሩ ለህለው ሐረስቶት ዲብ ወግም ለአተ ውዳይ ሰን ክምቱ ለሐብር። መሰል ሰኔት ላቱ ሐረስታይ ገብሬመድህን ገሬዝግሄር እግል ለአሰነዩ አርድ ሰልፍ ዕፋን፡ እንዴ አትለ ህዩ ገረዕ፡ ሸጠ፡ ፋል፡ አልፈ አልፈ ውብዕድ እንዴ ጀረቦዩ እተይ ሰኔ ክም ረክብ ምኑ ወዴሕ። ዲብ ወሬሕ አፕሪል ናይ ሰነት 2026 ህዩ እግል ነብረ ንዋይ ለገብእ ተውሳክ ድረ ለዘርአዩ እሊመ ነቲጀት ክም ረክብ ምኑ ሸርሕ።

ሐረስታይ ገብሬመድህን እብ ሰበት ሐርስ እት ሸርሕ፡ “ሐርስ በሀለት ርክን አሳሲ ዲብ ወጠን እብ ሕኩመት ወሸዐብ ገብእ ለህለ ናይ ዐማር ካድምቱ። እሊ ህዩ ሙዋጥኒን ምን መታካይ እንዴ ደሐነው ርሐም ወሙጅተምም ወጠኖም ለነፈዕ እግል ልክደሞ ለሀደፋቱ። እብ ብዙሕ ጅህድ ህዩ ዲብ ክለ ወጠን ገብእ ለህላቱ። ለሀደፍ ህዩ ዐዳጋታት እንዴ አትሃዳእከ መናበረት ሙዋጥኒን እግል ሐሰኖት ሰበት ቱ፡ ነሻጣት ሐርስ ዲብ ተጠውር ወጠን ምህም ወአሳሲ ክሉቱ” ልብል።

እሊ እብ ብዙሕ ጅንሰ ዘርእ ለጀረቦዩ አርድ ትርብቱ እግል ሐርስ ሰኔ ግርም፡ ማይ ካፊ ረክብ ምን ገብእ ዲብ ወክድ ሐጋይመ እንዴ ዘርእ ለልትሐመድ እተይ እግል ልትረከብ ምኑ ክም ቀድር ሸርሕ። ጅህዱ እብ አተላለዮት ህዩ ለቀጥረት ቅጥረት ዲብ መንፈዕት እግል አውዐሎት ከድም ክም ህለ ወዴሕ። ምን ሰነት 2025 አሰክ እለ ናይ ሒን ዝላም ሰበት ኢዘልመት ላኪን አርድ እብ ትራክተራት እንዴ ጃረፈ ዲብ መታካይ ክም ህለ ለአፍህም። ለበዝሐ እህትማሙ ህዩ ዲብ ሕፍዘት ማይ ወትርብት እንዴ ወደ ናይ አክረት ወአሸረዕት ገርሀቱ እብ እህትማም ካድም እቱ



ክም ህለ ለአፍህም። ለክቡድ ክም ከደምክ ቀሊል ክም ገብእ እንዴ አመንኮ ለአትብገስክዉ ካድም ህዩ እብ ዋደሕ ረከብክዉ” ልብል። እሊ ዐውቲ እብ ሰዳይት ምን መጦሩ ለኢልትፈንቱ ወሚክራዩ ወሴድዩ ወልዱ ለበጽሐዩ ክምቱመ ለሐብር።

ሐረስታይ ገብሬመድህን እንዴ አትለ “ተብጊሰት ህሌት ምንገብእ ኩሉ ልትቀደር፡ አነ ህዩ ምን መታካይ እንዴ ትባለሕኮ እግል ርሕዬ ወግኢለቼ እግል እግባእ ወምኑ ወኬን አርድ ለሀብካሁ ሰበት ልትከበት እንዴ ከደምኮ ዐዳጋታት



ዲብ አትህድኦት ዶርዬ እግል ኢዴ ቱ። ዝላም ከረም ትውሕድ ምንመ ህሌት አነ ላኪን ለሕሰ ተጃርብ ዋዲ ሰበት ህሌኮ አዚመ ነሻጣቹ እብ ለትወቀለት እግል አዚድ ቱ” ሐቀለ ቤለ ሕልሙ፡ ዕጩይ አራንሸ፡ ሌሚን ውብዕድ ዲብ አግመሎት

እግል ልብጸሕ ክምቱ ለሐብር። እሊ እግል ሊዴ ህዩ ሰዳይት ወመዕነውዩት ውብረት ሐርስ ክም ኢትትፈንተዩ ልሰኤ።

ሐረስታይ ገብሬመድህን ከድሙ ለህለ ነሻጣት ዐማር ሐርስ ምን ኬን እተዩ ዲብ አዝዩዶት ድዋር ዲብ ሕፍዘትመ ዶር ዐቢ ለአገዴ ህለ። ለድዋር ክም ገምለ ጀላል ጠቢዐት ላቱ ዕጩይ ክም ሰርገ ወንዋይ ከደን እግል ልሻብጠ ጠቢዒቱ። ህቱ ሐርስ ምን ለአሰብዴ ወሐር ርሕይ

ለኢለአምር መደረት ለኢወዴ ንዋይ ከደን ክም ነላት ወሐረውያታት እብ ብዝሐ ልትርኤ ክም ህለ ሸርሕ። ብዕድመ ክም ሀቡይ ወአቡሾክ ለመሰል እብ ለትፈናተ አሰባብ ሃርብ ለዐለ ለአቀብል ክም ህለ ወዴሕ። እሊ ህዩ ዝያድ ዐውቲ ክምቱ ለአፍህም። ምን እሊ እንዴ ትብገስ ሕኩመት እፍግርቱ ለህሌት ናይ ሐዘዐት ካድም እግል ልሸቁ እቱ ክምቱ ገለድ ቦይእ።

ሐረስታይ ገብሬመድህን ግሬዝግሄር ዲብ ድዋሩ እግል ብዕዳም ሐረስቶትመ ተእሲር

እግል ሊዴ ቃድር ህለ። ሐረስቶት መሐመድ አሕመድ ዑመር ወመንግስትአብ ያቆብ ህዩ ምኑ ምክር ዲብ ጠልቦ ወእብ ካድም ናዩ እንዴ ትናየተው ብገሳም ለህለው ቶም።

መስኦል መክተብ ሐርስ ምዴርየት ግንዳዕ አሰይድ ግደይ ክፍላይ፡ ሐረስታይ ገብሬመድህን ፅምር እንዴ ኢክርዑ እብ ናይ ኖሱ መባደረት ካድሙ ለህለ ዐማር ሐርስ፡ ለልክትናይት ወነቲጀት ትትረከብ ምኑ ክም ህሌት እት ሸርሕ፡ እምበል ማይ ለገብእ ዐማር ሐርስ ሰበት ኢህላ ላኪን ለህለ ኢረከብ ዝላም ዲብ መጽእ ወክድ መሻክል እግል ልሰብብ እቱ ክም ቀድር ሐበረ። እለ መደረት ምንመ ተህሌ ሐረስታይ ገብሬመድህን ዲብ ለሐልፈ ሰኖታት እብ ለአውቀዩ ጅህድ፡ ዕዉት እብ አማን መሰል ሰኔት እግል ለአተብሉ ለቀድር ሸቅል ክም ከድመ እት ሸርሕ፡ ዲብ መጽእ ሄራሩመ ሰዳይት ወመዕነውዩት ውብረት ሐርስ እግል ኢትትፈንተዩ ትፋኒ።



ፎክ ልምድ በቂብ ውርስ ዓዳት

ተርጀመጥ ወጽብዋ ዓዳት ምን ክብሩ ናይ ሙጅተማዕ ዝሕሮታት ፋዬሕ ወዋስዕ ተርጀመጥ ለቡ ሸፊሕ ወጅንሰዩት ሙጅተማዓት ተ። ናይ ሙጅልሰ ቅራን ላተ መዝመጥ፡ ሰለም-ሰቃፊት ወሕፍዝ ኣሳር እዳኡ እግል ዓዳት ለሀቡቱ ተርጀመጥ፡ “ዓዳት እግል ዎሮ ሙጅተማዕ አው መሕበሮመ ልዝበእ ጀምዕ መዋዋር ጀንሰዩት ለለሀይብ ፍንቱይ ለመድ ወአላት (spiritual and materi- al) አፍካር፡ ሸዑር ወሰምዒት ተ። እሊ ፈን ወአምር-ክቱብ ሌጠ እንዴ አጉብእ፡ ዝበይ መናበረት፡ ኣሳሰ ሕቁቁ እንሳንዩት፡ ሕሽመጥ፡ ወእምነት ሊሐፍዝ። ሚንዦዩት ለቡ ለመስላን ረአይ ወፍንቱይ ላቱ እንሳንዩት ለሀይብ፡ እብ ዓዳት ቱ ህዩ ሕሽመጥ፡ ለእንመዝን ወለለአትሐዘኒ ለነሐሪ። ወድ አዳም እግል ነፍሱ ለልፍህም ወለሸፊሕ፡ ነቃሰ ክም ቡ ለለአምን፡ እግል ዐውቴታቱ እብ ዝበይ እግል ሊጊሰ ለለአረትዕ፡ እምበል ህነት ሐዳይሰ አሰሉብ ሐያት ለፈትሹ፡ ናቅሱቱ እግል ለአትምም አትሐዘዮት ለቡ ሓጃት ለልምህዝ እብ ዓዳቱ ቱ” ለብል ለሸፊሕ ናይ ለመዝመጥ፡

ዓዳት ምስል ሐያት ወድ ኣዳም ለልትዳበጥ ኦርወሐት ለቡ መጦር ብጥረት ወድ-ኣዳም ላቲ ምራየት መ-ጅተማዕ እት ገብእ፡ ምን ክልቀቲ እግል ልዕቤ፡ ልጠወር፡ እግል ልገንድብ ወእግል ሊሙት ለቀድር መጃል መሕበራይ ተ። ለእበ ትወለድ ሐቲ እንዬ ኢቀይር እግል ዲመ ለነብር ዓዳት ኣለቡ። ሰበቡ ህዩ ሸዕብ ምን ኣካን እት ኣካን እት ሀለ እብ ክሉ ለመልኮ ወራታት ለልትርኤ ወኢልትርኤ በሀለት ዓዳቲ፡ እምነቲ፡ ኣኖካሩ፡ ኖኑኑ ወሰቃፊቲ ወክሉ እሉ ለመሰል ምስሉ ልትሐረስ እቡ። እትሊ ዮም ለህሌናህ ናይ ዐውለመት (TELECOMMUNICATION DEVICES) ዓዳት ምስል ዓዳት እግል ልትሓበር ወለህይ ለህይ እግል ልትሓረስ ለኢተርኖ ጋር ቱ። እሊ ተቃዩር እሊ ላኪን እት ሐጪር ወቅት ሐሰለ ምን ገብእ ብቆት እት ጅንሰየት ወመሻክል እት ሐያትነት እግል ለኣምጽእ ሰበት ቀድር ዐቂብ ናይለ ሀለ ወንሰኣት ናይለ ለኣትሐኬ ምህም ጋር ገብእ።

ክል ዶል ከመ ልትበላል ዓዳት እብ ሚ ልትሸረከ ወክኦ። ለልብል ሰላል፡ ከመ መዝመት ዕለም ሰቃፊት ወክኦብ ኣላር እዲ ትሸርሐ ዓዳት እብ ኣሻይር፡ ዐላይም፡ ገበይ መትመዋን፡ እብ ልባሰ ወሰርን፡ እብ

ሐብሬ

እግል ትሻርኮ ምስልነ
ወረራይክም እግል ተህቡነ
ሰእየትነ ዐባይ ተ።
ዕንዋንን፡ ውዛረት ተዕሊም
ወሳኤል እዕሳም።
ዕልብ ተለፋን 114991
ወዕልብ ቡስጠት ሃዬ 609 ቱ።

ትላህያታት፡ እብ ነባሪ ህዳይ ወሕዳይ፡
ዓዲት ርጋዝ ወጠርቅ፡ እብ እምነት፡
ጽዋር፡ እብ ርሒቡ ህዩ ዓዳት እብ
ህግዩ ልትሸረሕ። ምንለዐል ክሉ ህዩ
ዓዳት ምስል ህግዩ ቦዴ ወበቅል።
ህግዩ ሐቆ ቦዴት ዓዳት ቦዴ። ህግዩ
እብ አክራን፡ ክታቡት፡ እብ እሻረት፡
ወለመሰሉ ለትሸራሕ እት ንብእ።
እት ፈርሐት ወለውቀት፡ እብ ንበይ
መትላላም፡ ሕላይ፡ መስሉሉብ።
አናሺድ፡ ጨፈራ፡ ጎልያ፡ ሆይ፡ ሆርየ፡
ድግም፡ ሸለል፡ ምርግዲ፡ መትካባር፡
ብሂል፡ እንቅርቅራ፡ ሐካኪቶ፡
ትላህያታት እት ድላለት፡ ሓለት፡
ረብዐት፡ እብ ወራታት ሐዘን ክም ክረ
ሽምበር፡ ሄሶ ወሰናር እግል ልትሸራሕ
ቀድር።

እብ ለተፈናቀሉ አስሊሉ ምን ጁል-
ዲብ ጁል ለልትሐላለፍ መዋዴዕ ናይ
ዎሮ ዓዓት ለልትርኤ ወለይልትርኤ
(ለልተምተም ወለኢልተምተም -
tangible and intangible) ዓዓት
ሚራሰ እንዴ ትበህለ ዲብ ክልኤ በበይ
ከፈፍል ልትከፈል።

ለልተምተም ዓዳት ውርስ፤ እግል
ልትረአው ወልትጸበጦ ለቀድሮ
ናይ ተእሪክ ወኣሳር በዲር ላቶም
ኤማክን፤ ኣግርበት ወኣሳር-ድበን
ለከምክም ዓዳት ተ። ለረቂቅ አው
ለይልተምተም ዓዳት ውርስ እብ
አፍ ለልትዐዲ ለመድ፤ እምነት፡
ኢድጋም፤ በሰር ባልሐት መሻክል፤
አስሉብ ሐፍሰት፤ ሐሸሞት ዓያድ
ወነባራ፤ ኣምር እዲን ወጠባቆ፡
ክልቀት፤ ምህዙታት፤ መቅደረት፤
ፍኑን ወለመስሎ ለኢልትርኤ ሓጃት
ከምክም።

ጊቂቅ ዓዳት ውርስ፡ ምስል ተኣሪነይ
ላቲ ናይ ክልቀት ልግባእ ወኣዳም
ለሸቀዩ አማክን ወዋቅፅ ለገብአ
ሓጃት እበ ለአትመሳኔ አግቡይ፡ ክል-
ዶል አትሓያስ እንዴ ገብአ ዲቡ
ለልትለመድ ምን ጂል ዲብ ጂል
ለልትዐዴ ውርስ ቲ። ሙጅተምዓት
ህዩ ዲበ እለ ህለ ለህሉሓጃት ሐዲስ
እት ልምህቤ ሕድሕዱ ዲብ ለሐሸም፡
ሀለዮቱ ወጅንሰዩት እግል አድመዮት
ለልትነፈሰቡ አግቡይ ቡ።

ኤረትሮፖ እግል ሴዕ ቆምዮት
ለለሓብር፡ ብዝሒ ለቡ ረቂቅ ዓዳት

ውርስ ትመልክ፡ ልሰዕ እት ፍዕል
ልውዕል ለሀላ መዋድዕ ረቂቅ ሜራሴ
እግል ሓሪት አው እግል እብ አዚ
ለመጽእ አጅያል እግል ልጸንሱ
ወአተላላዩ እግል ልትአከድ ብዙሱ
ወራታት ዐቂብ ገብእ ጸንሐ ወሀለ።
እብ ደረጀት ደውለት ዲብ ክል ሰነት
ለልትነዘም መሀረጃን አረትርዩ፡ እብ
ለትፈናት ሀገጊት ኤረትርዩ ገብእ ለሀላ
በሐሰ እት እብ አፍ ለልትሐላላፍ
ዓዳት፡ እግል መሻረከት ወአትፋዝዖት
ሙጅተማዕ እግል ዐቂብ ረቂቅ ውርስ
ዓዳት እግል ዓበዮት እብ እዕላም
ልመለቅ ለሀላ በራምጅ ዲብ ወራት
ደረሰ ወአድራሶት ናይ ህግዩ እም
እብ ፍንቱይ፡ ወድራሳት ፈን ወዓዳት
ህዩ ገሌ ምነ ዐበዩ እግል ልትሸረከ
ለቀድሮ አብታሮ ዐቂብ ዓዳት ቱ።

ደውለት ኤረትሮፖ ረቂቅ ውርስ
ዓዓት ናይ ዐቂብ በርናምጅ ምስሊ
እብ ደረጃት እዲነ ለትዝመ ቅስም
የኔሰቡ ለልትመሳኔ ዐቂብ ረቂቅ
ውርስ ዓዓት ሙጅተምዓት ቀደም
እግል ሊበል የኔሰቡ ለከጠጠዩ እብ
እትፋቅ 2003 ለልትአመር እትፋቅ
ረቂቅ ዓዓት እግል ትሻርክ እቲ እት
እትፋቅ 2010 እንዴ ፈረመት እቲ
ምስዓትሉ ድውል (state party)
ገብአት። እምበል እሊመ፡ ዲብ የም
30 ሰብተምበር 2015 ለተአወጀ
ቃጉን ውርስ ዓዓት ወክልቀት ህዩ
ምስል የኔሰቡ እብ መትመሳናይ እግል
እትፋቅ 2003 ዲብ ፍዕል እግል
ተአውዕል ጅህድ ትወዴ ህሉት።

ሕገ ክም ደውለት ወሙጅተማበ
 ዓዳትነ ሰርጎ ውሕደት ወክሃሉ
 ገበይል ዐጀል ዐማር ዐቦት፡ ዕላመት
 ጅንሰየት ወሀለየት ክምሰልቱ እንዴ
 ፊሀም፡ እት ውርስ ዓዳትነ እት
 መደት ግድለ ወሐቆ ሕርየት ለገብእ
 ትሩድ ወቀይ ወለትረእ መትቀደም
 ዲብ ሕፍገገ ዓዳት ለለሐብን ቱ። እለ
 ለአስክ አዜ ርክብት ህሉት ዐውቲ
 ዐባይ ምንማት፡ ታርፍ ለህለ ጸገም
 ዐቂብ ውርስ ዓዳት ክምሰል በዜሕ
 እግል ነኣምር ለአስትህል። ቀደም እለ
 ዲብ አክትብት ወሽራደዋ ሰጃል ለህለ
 ሐድ ምንመ ኢኮን፡ እግል ዐቂብ
 እንዴ ትብህለ ሸቂይ ለህለ ሸቅል እብ
 ትሉሉይ ጸገም ትሩድ ለሐዜ።

ፎክ ሎግስቲክስ

እሊ ርክን እሊ ለትፈናተ እግል ሐንገል ለለካትሐሶሴ ሰላላት ወመሳእል ለልዳሌ ዲቡ ርክን ቲ።

ሰኣል ዮም

1. ጩወ ለልትአኩብ እቲ ግራብ ዓዳት ሚ ልትበሀል፤
2. ቅራረት ሚ ለልትአኩብ እቲ ግራብ ተ፤
3. መሰወድ ምን ሚ ልትሸቁ፤
4. ተብል (ሐፈት) ምን ሚ ትትሻቁ፤
5. ዓዳት እብ ህግየ ልትሸረሕ፡ አማን ሚ ሐሰት?

በሊሰ

1. ይጻፉ
2. ጻፉ
3. ተሰጥቶ
4. ራሳቸውን ማሳሰቢያ ሲጻፉ
5. ሲጻፉ

ငါ့-တစ်ယောက်

ገሌ ምን ገዢ ወቅርቦች ለልትቸቂ አላት ምን ክታብ ጀህ ለነሰአነሁ፡፡
ለትረስዐህ ምን ህሌት ንፍቀድ ወለኢነአምረ ምን ህሌት እግለ ለአምሮ
ንትሰክል፡፡

ሀወት
ሐነት
ሐርብ
አብሪቅ
ትግራት

ክምር(ክማር)፦ የም ዲብ አካኑ በርትፎልዮት ንትነፊዕ ለህሌነ ዲብ መጠብጠብ ለልትአሰር አለት ሰላዲ
 ዐርሰት፦ እግል ንጻፍ ለነፊዕ አላት
 ዲዶ፦ እግል ሰላት ለነፍዕ

መስወድ
ሕብሳት እግል እክል ለነፍሶ አግርበት
ምክላዩት

ሰራክ
ጸፍር
ሸለከት ቀርቦት
ምራን
መዓጺት

Think up on the past tense of the following words.

1. Cut= _____
2. Know= _____
3. Go= _____
4. Am= _____
5. Drink= _____

Answer

1. cut
2. Knew
3. was
4. gone
5. drank

ቲብሶ

ክልሉት ዐየደን እት ዕድደት ክም ትራከበው፡ ለዎሮ እግለ መልሀየ “ሚ ጀረ እከ ከተዐየንከ” እት ልብል ትሰሕለድ፡ ለካልኣየ ዕየን ህዩ “ረኣሹ ከምሰለ ገሀር ሕፋን ወደ እቼ ከእንድድ ህሌኮ” እት ልብል በልሰ እግሉ።

“ናይ እሊ ሐፋነት ገብኢ እግልዬመ ከምሰልሁ ወዲኒ ሀለ” እት ልብል ረእዩ ክም ሀበዩ። “ክምሰልሁ ኢኮን፣ ኣነ ልትአመረኒ ሀለ ኣውሻሽ ናይ ጸሓይ ቱ እት ረኣጼ ሀለ” እት ልብል ክም ሽርሐ እግሉ፣ ለካልኣዩ ዕዩን ሀዩ፣ “ዩ! ክምሰልሁ ቱ፣ እሊ ደኣም ሚ እንዴ ቡ ቀሊል ቱ፣ እንተ እት በዐት ጽልምትት እቲ ሐቀህ ለኣውሻሽ ለጸሓይ እግል ለኣብርህ እንዴ ቤለ ኖሱ እግል ልፍገር ምንካ ቱ” እት ልብል መክረዩ።

“ድግም ህመም ወወድ-ሐሺል”

ህመም ወድሮ ሐሺል ምስል ዐለው። ህመም ዐጣል ረአ ወእግል ኢልቅተል ምኑ ሐራም ፈርሀ። ወሐር ወድ ሐሺል እንዴ አድህ ከክእን እት ልብል ትሰእለዩ፡ “ሐራም እት ሚ ፈርህወ?” ወድ ሐሺል ህዩ “እት ታርፌ ፈርህወ” እንዴ ቤለ በልሰ እቲ። ህመም ህዩ ታርፋዩ ኖሳተ፡ ቤለ ወእት ለዐጣል ሰዐ። እት ልሰዴ እት ሐቲ ጠሊት እግል ልሰረር እት ለሐዘ እት ክርሚደት ብልሕት ወድቀ ከህተ ዐቀቶ። ክም ተዐቀቀ፡ አርወሕቲ እንዴ ኢትፈግር፡ እግል ወድ ሐሺል ሐራም እት ተርፍ ፈርህወ ኢቲልከኒ እግል ሚ አነ ምትት እብ፤ ቤለዩ። ወድ ሐሺል ህዩ አሱከ በልዐ እብከ ቤለዩ። ሐቅህ ህመም ሞተ። ከምን እለ ድግም እለ ክልኤ መሰል ተርፈዮ። “ሐራም እት ተርፍ ተ” ቤለ ወድ ሐሺል ልብሎ። ክምስልሁሙ “አሱከ በልዐ ብከ” ቤለ ወድ ሐሺልመ ትትመሰል።

(ምን አድጋማት ቀዳምያም)

ሳርዐት/ሽንቅ Epilepsy ሚ ቱ፤

ሽንቅ/ ሳርዐት ለልትባህል ሕግም ምሮ ምን ለኢለዐዴ ወኔብራይ ላቱ መሻክል ዓፍዮት ቱ። ለሰብ ሀዩ እት ዓሳብ ለጀሬ መትሐምራግ ሽቅል ሰርዐት ዓሳብ (neurological disorder) ቱ። እለ እት ዓሳብ ለትጀሬ አከይ ዓፍዮት ለትፈረግ እቡ እብ ሰብ ኢንቡር ነሻጥ ከህረበት ሐንገል(ሐገን) ምን ኖሰኖሱ ለቀንጽ ረጀፋን ቱ። ለአሻይር ልትፈናቱ፣ ምን እት ሐቱ አካን እንዴ ተከርክ አፋዛዜ፣ ረጀፋን ናይ ገሌ ክፈል ገርብ፣ እግል መደት ሐጫር መትሐምራግ ፍክር (temporary confusion)፣ ኢንቡር ስምዒት፣ አሰክ ረጀፋን ናይ ክሉ ገርብ ወእቲ እት ቅደብ ውብዳይ መራቀብት ሽን ማይ ወከደን ልትመደድ። ለአሰባብመ ሀዩ ብዙሕ ቱ፣ ገሌ እሙርቱ ወገሌመ አክልሕድ እሙር ኢኮን። እብ ውራሰት ለመጽኢ፣ መዛብጥ ሐንገል ለአጅረዩ፣ ጀልጠት ለአምጸኦቱ፣ እብ ሰብ ረክሰ ሐንገል ለመጽእ ገሌ

ዐለም ለ80 ምእታይት እትለ ድሀር ወምግባይ እቱይ ለብእተን ድወል ነብር።

- እት ወክድ እንዴ ትረኣ ከሕማሙ እት ወክድ እንዴ ትፈረገ አክልሕድ ለወጅቡ ደወ ሐቆ ለአንቡተ፣ 70 ምእታይት ምን ሐያቱ ረጀፋን ለአለባ እግል ትግበእ እሉ ክም ትቀድር ልትአመን።
- ምስል ሳርዐት ለነብር አንፋር ምስለ ዓም ገቢል ዶል ልትቃረን ቀደም ፅምር ውላደት ለትጀሬ ሞት (premature death) እብ ሰለሰ ፅዱፍ ትዘይድ።
- ዲብለ ድሀር እቱይ ለብእተን ድወል ድቡራት ምስል ሳርዐት ለነብር አንፋር ለልእስትህሎም ኑፅ ደወ ወቅያሰ ካፊ ኢረክቡ።
- ዲብ ብዙሕ ካፍዮት ፈዛዐት ዓፍዮት ለአለባም ገባይል ለነቡረን ድወል ምስል ሳርዐት ለነብር አንፋር ወዓይላቶም እብ አትጃፋር ወአገውናይ እት ጅርበት ነብር።

ገሌ ምን አሰባብ ሽንቅ

ለልትረኤ ረክሱ፣ ክም ያብሶ (meningitis)፤

- ገሌ ምስል መማኒት ገርብ ወሐንገል ለልትጸብጥ እኩብ አሻይር ሕማም
- ወቅያሰ እት ሐንገል (brain tumor)

አሻይር

ለአግደ እሻረት ረጀፋን ትጉብእ እት ሀሌት ደረጃተ እብ አሳሰ መበገሰለ እት ሐንገል ለሀለ ነቃሰ ወለገልብቡ ክፋልለ ሐንገል ለላሳት ትቀልል ወትደቀብ። ወቅታይ አሻይር ክም መትሸውሻር፣ ቀፊል፣ መትብዳል ግያሰ /ሐረከት፣ መትብዳል ስምዒታት ክም ረኣይ፣ ጼ፡ ስመፅ ወጠዐም፣ መዛጅ . . .

ለረጀፋን ገሌ ሴላት ሐንገል ቅያሱ ለሐልፈ ሞጅ ከህረበት ጠልቀ እት ሀለያቱ ለልትከለቅ። እብ አሳሰለ ድሙዓት ለሀለየ ሴላት ለረጀፋን ገሌ ክፈል ገርብ እግል ለአድሚፅ ቀድር አውመ ክሉ ገርብ። ለደጋጋሙመ እብ ቅያሰለ ምድመፅ ልትፈናቱ፣ ምን ሐቱ ዶል እት ሰነት አሰክ ሰለሰ ዶል ዲብ አምፅል ልትመደድ።

ሐቱ ምፅል ገርቡ ለረጅፈ ሽንቅ ረክቦዩ እግል ልትባህል ኢቀድር። እትለ ዐለም ምሮ ምን ዐሰር ነፈር እት ሐያቱ ረጀፋን ራክቡ ቱ። ሽንቅ ቡ እግል ልትባህል ምን ልውሕድ ክልኤ ሰለሰ ዶል ደሐን እንዴ ጸንሕ ለልትረኤ ሕማም እንዴ አለቡ እብ ረጀፋን ለወድቀ እግል ልግበእ ብእቱ።

ሽንቅ ለቦም አንፋር እብ ሰብ ወዲቅ ለትፈናቱ መዛብጥ እግል ልትረኤ እቶም ቀድር። እብ ሓለቶም ዐቅሎም ለልትረበሽመ እግል ለሀሉ ቀድር።

እንትሻር

ሽንቅ ምን ምን ልትአመር ሐድ 10 አልፍ ሰነት ለወደ አዳም ምን ለአምሩ ሕማም ገዲምቱ እትለ እዲን። እትለ አዜ 50 ሚልዮን ምስለ ሕማም ነብር ሀለው። ክል ሰነት ሐምስ ሚልዮን አዳም እብ ሕማም ርኩብ ክም ሀለ ልትፈረግ። እቱ ድወል ለጽጉባት ምን 100አልፍ ነፈር 49 ሽንቅ ለብእቶም ጉብኦ እት ሀለው፣ እቱ ድቡራት ሀዩ አሰክ 139 ምን ምእት አልፍ በጼሕ። መላርየት፣ ረክሰ ዓሳብ ብቆት ትራፊክ፣ እት ውልደት ለሳድፍ መዳሚ፣ ሕውነ መእሰሳት ዓፍዮት ወግድዐት ምኤምረት፣ ኢረከብ ክድመት ዓፍዮት ወወራታት ዳፍየት መደረት ገሌ ምን አሰባብቱ።

ደወ

ረጀፋን እት መራቀብት እግል ልእቱ ለቀድርቱ። ሰለሰ ርቡፅ ምን ሽንቅ ለብእቶም አንፋር ደወ እብ ገቦዩ ሐቆ ነሰእወ። ሀም ወሽቀላት ሐቆ ራቅቡ፣ ትምባክ።


ሰጃይር ወከምረት ሐቆ ኢቀርቡ፣ እት ሰዐት ሰካቦም ሐቆ ለሓፍዩ፣ ሽቅሎም እምበል ተራር ወሀላክ ሐቆ ለአገዱ፣ ረጀፋን ኢልርኡ። ገሌ ሐዳም ለደወ ለኢሸቄ እሎም ዐመልያት ለልሐዙ እግል ለሀሉ ቀድሮ ድኢኮን እብ ደዋሆም ሰኢ እግል ልንበር ቀድር።

ምናተ ለደወ እት ክለ ዐለም ክሎም ለልሐዘወ ረከቡ ኢሀለው። ከፍንጌ እት ድወል ጽጉባት ወድቡራት ለነብር ሐዘዩት ደወ ፈርግ ዐቢ ሀለ። ለካፊ ሰራይ ረክቦ ሰርመ ኢተሞ። እብ ክሰሰለ ሕማም ክሉ ሽቃላይ ዓፍዮት ድራሰት እንዴ ተሀየቦ ለክድመት እት ክሉ ትመደደት ምንገብእ እሰብዳልያት ዐቢ ወአላት ሞወር እንዴ ኢልትሐዜ ዲብ ዕያዳት እግል ልትፈረግ ወልዳዌ ቀድር።

መነዘመት ዓፍዮት እዲናመ እሊ ፈርግ እግል ተአጭብብ፣ ለክድመት እት ዕያዳት እግል ትትረከብ በራምጅ እንዴ ረሰመት ምስል አፅዳእ ድወል ትከድም ሀሌት።

ዳፍየት/ከሬፅ

ክምለ ተሀደገ 50 ምእታይት ምን አሰባብ ሽንቅ ፍሩግ ምንመ ኢኮን እግል ልትከረፅ ለቀድር ላቱ ሀለ። 25 ምእታይት እግል ልትከረፅ



ሐዘ አገድ ለበርድ እቡ ዕልም እግል ዋልዴን ሂበት ወደወ እት ቅሩብ ክም ጸንሕ አፍዘዎት

- እብ ጀልጠት ለተሌ ሽንቅ እግል ዳፍየት ቅያሰ ደቅጥ ደም፣ ሰከሪ ወሚዛን ገርብ ራቀቦት፣ ወለፍ ትምባክ ሰጃይር ወከምረት ክም ልትብተክ መትጸጋም

- መላርየት፣ ያብሶ ውብፅድ ምግባይ ሰርዐት ዓሳብ ለለአደሚፅ ረክሰ እት መራቀብት አተዮት፣ ክምስልሁመ ምን ለጉብኦ ክሰሐ ጀራሲም እግል ዳፍየት እደይ ወድዋር አንደፎት

ሕሙም እት ወቅት ረጀፋን ከአፎ እንሰድዩ

ለሕማም ሰበት ኢለዐዴ ምን

ምን አሰባብ ቱ።

ሽንቅ አው ሳርዐት ክቡድ ምንመ መሰል ወምን ብቆት ወመዳሚፅ ሐርቱ ምንመ ኢልትባህል። እሊ መሰል መሻክል ዓፍዮት ለብእቱ ነፈር መንበርሁ እብ ንዛም እት መሬሕ ለእግሉ ትቀረረ ደወ እብ ዋጅብ ሐቆ ነሰእ። ክምለ ጉብኦ አዳም መንበር ዓድየት እግል ልንበር እግል ልሸቄ ወለአፍሬ ሐቱ ለትከርዖ አለቡ። ምን ገሌ-ገሌ ምህናት ክም ሰወጎት መኪነት፣ እግል ብቆት ቅሉፅ ለወዴ ክም ዐባዩ ማሺነሪታት ለብእቱ አሸቃል ላኪን አመት ነፍሱ እግል ልውዴ ልትመክር።

ፍሩጋት ሐቃይቅ እብ ክሰሰ ሽንቅ

- ሽንቅ ኑብራይ ለኢለዐዴ ሕማም ናይ ሐንገል እት ጉብእ እት ክሉ ዓማር እግል ሀለ አደሚ ረክቡ።
- እት ክለ እዲን ሐድ 50 ሚልዮን ሽዐብ ሳርዐት/ሽንቅ ብእቱ። እሊ ሀዩ እብ ደረጃት እዲን ምን አግደ እብ ብዘሐ ለልትረኤ ሕማም ዓሳብ ወድዩ።
- ምን ምስል ሽንቅ ለነብር ሽዐብ

ሽንቅ ኢለዐዴ፣ አሰባብመ አሰክ እለ አክልሕድ እሙር ኢኮን። ለትፈናቱ ሕማም ዲብ ሽንቅ እግል ልምረሕ ለቀድር ምንመ ሀለ። እት ዐለም ምን ሀለው ምስል ሳርዐት ለነብር አንፋር 50 ምእታይት ለእቡ መጽኢዮም ሰብ ኢልትአመር። እብ ዓመት ለአሰባብ እትሊ ተሌ ልትረተብ፣ ናይ ሸክል፣ ክልቀት፣ ረክሱ፣ ናይ ደቂቅ ነብረ (metabolic)፣ ንዛም ድፊፅ ነፍሱ/ መናዐት ወኢእሙር።

እሊ ተሌ ሀዩ ገሌ አምሳል ናይለ ተርቲብ (ካቴጎሪ) ቱ

- ምድመፅ እት ሐግነት ቀደም ውልደት አው እት ወክድ ውልደት (እግል መስል ሕዲን አክሰጅን፣ ግድኦ/መሀረት እት ወክድ ውልደት አውመ ቅንጭብነ/ተሐት ሚዛን)
- ምስል ኢሰኢ ሽቅል ሐንገል ለልትጸብጥ እት መማኒት ለልትረኤ ሓላት።
- ድቁብ መዛብጥ እት ሐንገል
- እት ሐንገል ለገይሰ አክሰጅን ለተአውሕድ ጀልጠት
- እት ሐንገል፣ በረይ ሐንገል፣ ውብፅድ ሴላት ወዓሳብ ሐንገል



ሰወር፡ ሳሌሕ ዐብደልቃድር

ዋዕላ ብሔሥ ሐርስ ኤረትርያ



ወዘር ሐርስ አሰይድ አረፋይኔ በርሄ

ውዛረት ሐርስ ለዝመቱ ወጠንያይ ዋዕላ ብሔሥ ሐርስ ኤረትርያ ሰነት 2026፡ “ዐባት ለቡ ንዛም ሐርስ ወነበረ እግል ዐባት እቅትሳድ ወጠን” እባ ትብል ሰቅራት፡ ምን ዮም 20 አሰክ 21 አጎሰት ዲብ አሰመረ - ቃዐት ኮንፈደራልየት ሽቃለ ኤረትርያ ገብእ።

እተ ውዘረእ፡ ውቁላም ሰብ-ሰልጠት ሕኩመት፡ መስኡሊን ጀብሀት፡ ሰብ ቅድረት-ምህናት፡ ወካይል ሐረሰቶት፡ ሰብ መአሰሳት አዳለዮት ነብረ፡ ሰብ ሽርከት ሽቅል ወዐዙመት ለገብአት እግሎም 300 ለገብአ ጋሽ ለሐድረወ መናሰበት፡ መስኡል መመቅርሓይት ልጅነት ዶክተር ኤፍሬም ገብሬመስቀል እት ከሊመቱ፡ ለወዕለ ዲብ ሕፍዝ ለተንከበ ታያን እቱ መጃል ንቃሽ እግል ልክለቅ፡ ሓድር ተየልል ሐርስ ወአብነት እግል ባሓሰ፡ አብሳር ቱክኖሎጂ ሐርስ አርደት እግል ትጥፈሕ እሉ፡ ወዲብ ሐርስ ለትሰዴ ዐባት ዳይመት ለሀደፋ አግቡይ እግል



አሰይድ ተክሌኣብ ምስግና

ቀፊር ክም ዐለ ሽርሐ።

ወክል ወዘር ሐርስ ሙዲር ዓም ቅስም ከደማት ቀዋኒን ወመራቀበት አሰይድ ተክሌኣብ ምስግና እተ ቀደመየ ከሊመት

ህዬ፡ እሊ ወዕለ እግል ልግበእ ለአትናየተ ቲለል፡ ለዲብ ጃንዋሪ 2025 ለገብአ እድንያይ ዋዕላ ብሔሥ ኤረትርያ ክምቱ እት ሽሬሕ፡ ሽከረትላ አርእሱ መጃል ሐርስ ኤረትርያ እግል ልጠወር ወክም አሳሰ ዐባት እቅትሳድ ዐድነ ዶሩ እግል ለአግዴ ለትብይአ ገለድ እት መዓሉ ለልአውዕል ክምቱ አፍሀመ።

ለወዕለ፡ ፍቶሕ ንቃሽ ወመትፋሃም፡ ክምሰልሁመ መትባዳል አምር ወመዓወነት አብነት ለክልቅ ክምቱ ለሽርሐ አሰይድ ተክሌኣብ ዶር ወመሻረከት ክሎም ሰብ ሽርከት ዲባ ልትናቀሽ እቱ አርእሰ ህድግ እግል ሊዚድ አተንበህ።




ዶ/ር፡ ወልደሰላሴ ዑቅባዝጊ

እትሊ ናይ ክልኤ ምዕል ወዕለ፡ ምህር ሐርስ ፈግልየቱ ወክብቲሁ እት ሐረሰቶት፡ ዲጂታላይ ሐርስ፡ ወሰክ ዐውል ወአላት ሐርስ፡ መንገፎ ደማነት ቅዛእ ለበ መነት፡ ባዮቲክኖሎጂ ሐርስ ወክደማት ላቦራቶሪ፡ መትባዳል ሓለት ጀው፡ ጋብሆት አንበጣ፡ ሕፍዝት በርከት መክሉቃት፡ ክምሰልሁመ ዐገል ሐርስ፡ መራቀበት ወእዳረት ሐርስ ዲባ ልብል ሰማን አርእሰ ለአተንከበየ 76 ወረቀት ብሔሥ ትቀደመየ ወንቃሽ ገብአ ዲባን።

እተ ዲብ ሰለስ ቃዐት እንዴ ትካፈሉ፡ ሰብ መቅደረት ሐርስ ምን ኩልየት ሐርስ ሐመልማሉ፡ ኩልየት ዕሉም ውቲክኖሎጂ ማይ ነፍሐ፡ ኩልየት ሆንደሰት ሐርስ ወርዝቅ በሐር ማይ ነፍሐ፡ ሰብ መቅደረት መጃላት ቲክኖሎጂ፡ ወዳርሳም ብዕዳም ለቀደመዉ ውራቅ ብሔሉ፡ ‘ፈሀም ሐርስ ምን ጨቢብ እት ፋዬሕ አፍካር’ ለትብል ወረቀት እብ ዶክተር ወልደሰላሴ ዑቅባዝጊ እት ትትቀደም፡ እትሊ ወክድ እዜ ንዛም ሐርስ ፈነ መክሉቃት፡



አስሐባብ ሰባት፡ መትባዳድ ትርበት፡ መትባዳል ሓለት ጀው ውበዕድ ሳድፋ ሰበት ህሉ ሐገሌብ ልሰዕ ክም አሰርተ፡ ንዛም ነብራመ እቅትሳድ፡ እጅትማዕየት ወአዋራፍ እንዴ ሐየቡ ነብረ ምን ዘርእ አስክ አዳም ለወጅህ አሽቃል ክም ቱ፡ ተቅዩር ፈሀም እት ንዛም ሐርስ ወነበረ እግል ልምጸእ ገአ ምን ገብእ ህዬ፡ ክም አስበቅት ቲክኖሎጂ ወመትነፈዕ አርዛት፡ ወሰክ ዐውል ወሰናዐት ሐርስ፡ ተሰጅዕ ማል ወአጣፍሖት አግቡይ ሱግ፡ አትሳናይ ንዛም ሐርስ ወአርሐቦት ተሰዲር፡ ወእዳረት ለልትለከፍ ተረርፍ ሐርስ እት ብዕድ ርዝቅ በደሎቱ ለመሰል ተከዩ እቱ እንዴ አንተብህ፡ ሐርስ ምን ናይ አቦይ



ሻበት ሩፍታ አረፋይኔ

ነበርይ ዲብ ዘበናይ ዋለዮቱ አግደ ወቀይ ዱለት ወሽዐበ እግል ልግበእ ክም ቡ ፈሰረ እተ።

ሩፍታ አረፋይኔ ሐቱ ምን ዳርሳም ዕሉም ኮምፕዩተር እት ኩልየት ዕሉም ውቲክኖሎጂ ማይ ነፍሐ (ኩልየት ዕሉም ሆንደሰት ኮምፕዩተር) እት ገብእ፡ “በሰር



ዶ/ር፡ ኤፍሬም ገብሬመስቀል

ዋጋም መትባዛሕ ወሐረከት ዕሽል አንበጣ” ለትብል ዲብ ሰናዕያይ ፍድብ አዳም ለትአተንክብ ወረቀት ቀደመት። ሩፍታ፡ “ዎሮ ዕሽል አንበጣ ነፊር ሐቆ ለአነብት፡ ናይ 35,000 አዳም ነብራ እግል ልብላዕ ቀድር። ሰበት እሊ፡ እብላ ሻቅያመ ለህሌነ አለት፡ ሀለዮቱ ወእንክሩ ክም አሰአልኩ፡ ለከሰሶም ጀሃት ምስዳር እግል ልንሰኦ እቱ ሰበት ቀድሮ፡ እተ ትወቀለት ደረጀት መትነፋዕ ክም አብጸሐናህ፡ መጋብህት አንበጣመ እብ አዳም ለሸቀዩ በሰር እግል ትግበእ ክም ትቀድር ቱ ለፍክረት” እት ትብል፡ እሊ ምስል ውቁላም ሰብ ምህነት ለሓበረዮም ዋዕላ፡ እግል መትመራምረት ሽባብ ባብ ርሒብ ሰበት ቱ፡ ለሸቀዉ ተጥቢቅ ፍድብ ሰናዲ (AI-Application) እት መጃል ሐርስ ተቅዩር ሰኔ እግል ለአምጽእ ትሰኤ።

ኢንጂነር መሓሪ ገብሬዬሰሰ ምን ኩልየት ቲክኖሎጂ ሆንደሰት ማይ ነፍሐ፡ “ምን ዕጩይ ሽዋክ ለልትሽንክል መዐር ለሀለ ጽበዋ መዓድን - ብዝሐ ወሐዱ” ለትብል ወረቀት በሐሰ ቀደመ። ኢንጂነር መሓሪ፡ መዐር ክም

ነብረ ወደዋ ክም ኔፍዓይ መነት እት ሽርሐ፡ መዐር ቅዝ ሰኔ ምንግ ቱ፡ እብ ተአሰትህል ኢትነፈዐክቡ ምን ገብእ፡ እግል ልእዜመ ቀድር። መዐር ምን ድዋር ነዲፍ ዶል ገብእ ነዲፍ ወምን ድዋር ክሶሕ ዶል ልትሸንክል ህዬ እኩይ ክም ገብእ አብረህ። ሰፋየት መዐር ምን ደውለት እት ደውለትመ ክም ልትፈናቱ እተ ሕፍዝ ቀደመዩ።

ክም ምሁር እዳረት ዓፍየት አዋራፍ ህዬ፡ እት መዐር ወጽበጡ ለወደዩ ብሔሥ መዓድን፡ መወለብ እግል ልግበእ እዱሉዩ ክም ህሉ፡ ዐድነ ኤረትርያ ህዬ ለሐሰ አብነት መፍርየት መዐር ክም በ አከደ። መዐር አግደ ዒማት መዓድን ፖታሰዩም ክም ቱመ ኢንጅነር መሓሪ አከዳ።

ክእን መሰል ብሔሥ ሐርስ፡ ለሀለ



ኢንጂነር መሓሪ ገብሬዬሰሰ

እግልክ አብነት እንዴ ሐንፈልክ እት መሰለሐት ገቢልክ እግል ተአውዕሉ ባባት ርሒብ ለካሰት ሰበት ቱ፡ እግል ልተላላ ወድፋን ለሀለ ብሔሥ እንዴ ፈግረ እት ገቢል እግል ልትናቀሽ ፈናታት እንዴ ቀደመ፡ ለመእተመር ተመ።

እብ ውዛረት ሐርስ ለልዳሴ ዓመድ ቅዝእ ለበ መነት፡ እግል ክሉ ወእት ክሉ!

ሙሴቀት ሐንገል ቀደም ወቅቶም ለትወለደው ዓሉቅ ትጠውር

ሙሴቀት፡ ሰለሳት፡ ረስም፡ ወተማሲል ለመስሎ ጅንሰ ፈን ለልአትፋግዎ ወፍክር ሐንገልነ ክም ለአተርዶ እት ለትፈናተው ብሐሳት ትሸርሐ። ዑለማእ ጃምዐት ጆኔሻ ሰዊዘርላንድ ቀደም ወቅቶም ለልትወለዶ ዓሉቅ ሙሴቀት ዶል ሰምዎ ሐንገሎም እግል ልጠወር ክም ቀድሮ ሸርሐ። እት ደውለት ሰዊዘርላንድ ቀደም ወቅቶም ለልትወለዶ አጀኒት 1 ሚኒስትሪት ለሳድፍ ክምቱ ልትሀደግ። ከእሎም አጀኒት እሎም መራዐዩት ትርድት ገብእ እሎም፡ እግለ አጀኒት ሙሴቀት እብ አሰምዎት ለገብእ ሳረዮት ኦሮ ምነ ሐንገሎም ለጠውር ወፍገሪት ሰኔ ለትረከበ ምኑ እት እንቱ ራክባሙ ክም ሀለው ለዑለማእ ለአፍሀም።

ኦሮ ምነ ቀድረት ሙሴቀት እብ ክሱስ እሊ እት ሸሬሕ፡ ሙሴቀት እት ሐንገልነ ተእሲር ክም ቡ ለልትአመር ቱ፡ ኣነ ህዬ እግል እሎም ዓሉቅ ፍክሮም እግል ልጠወር ለሰዴ



ሙሴቀት እግል አዳሌ መደጋግ ወአምር ትሩድ ለልአትሐዝዩ ሸቅል ክቡድ ቱ ለዐለ እት ልብል ሸሬሕ። ለእግለ አጀኒት ሐንገሎም እግል ልጠውር ለሰዴ ለገብእ ጅንሰ ሙሴቀት እንዴ ኢገብእ ፍንቱይ

ቅድረት ወፍኑን ለሸምል እት ገብእ፡ ለአጀኒት እግል 8 ደጋይግ ሰምዐው፡ ወእግል እለ ሙሴቀት እለ ሰምዎ ለዐለው አጀኒት ህዬ ተጠውር ሻፍግ ለአመጽኦ ክም ዐለው ለሰዊዘርላንድዩን ዑለማእ ወድሐ።

ለልአትፈክር መናሰባት ህዳይ እት ለትፈናተው ሽዑብ ዐለም



እት ሞሪታንዩ መርዓት መልህያተ ለሐብዓህ ወእግለ መርዓዊ ወመልህያሙ እንዴ ሐዘወ እት ዳስ እግል ለአቱወ ልትቀሰቡ። ሐቆ ተዐውተው ጸዕደ መደፍ ልትሐረድ እሎም፡ ወትፈለለው ምን ገብእ እግለ መልህያተ አግሩሽ እንዴ

ደፍዐው መርዓቶም ልትከቡቶ። እት ጀዘረት ጃዋ መርዓት እት አምዕል ህዳዩ አንደበ እብ ጸሊም ሕብር እንዴ ደኮቱ እገር እናሰ ተሐጽብ። እሊ ህዬ እግል ጣዐት ወእሕትራም በዐል ቤተ ትወድዩ። እት ግብለት ህንዴ ወለት እግለ

እግል ህዳይ ለልትሰአል እበ ሕጻን፡ እት ቃብት እንዴ ጌሶት እቡ ገርቡ እብ ሕፋን ሓጸነት ተኩሱ። ክርን አፍገረ ምን ገብእ ክም እናሰ ሐምቅ ልትነሰእ ወልትዐየር ወለ እግል ልህደዩ ሕሰብት ለዐለት ወለት ኢትትከቡቱ። ወአሰተሕመለ ምን ገብእ እግል ህዳይ ትትከቡቱ።

እት ገሌ ቀባይል ጃፓን መርዓት እት ገጸ ለገብእ ጸዕዳ መገልበብ አሰክ መደት ምስለ ጸኔሕ። እሊ በህለት ሐቆ ሞተት ከፈን እግል ልግበእ እግለ እንዴ ትብህለ ቱ።

እት ቸቸንዩ መርዓዊ እት መናሰበት አምዕል ህዳዩ እግል ልሻርክ ኢልትሰማሕ እሎ። አሰክ ለመናሰበትሉ ህዳይ ተምም እት አርድ ብዕድ ምስል መልህያሙ ልትፋጋዕ።


እት ጀዘረት ግሪላንድ መርዓዊ አሰክ ዐድ ወለት እንዴ ጌሰ እግል መርዓቱ እብ ጭገረ እት ልስሕበ እት ዱሊት ለህሌት ዐዘመት ህዳዩም ለአትዮ፡ ምናተ እት ጀዘረት ኩክ ዐክሰ ናይ እሊ መርዓት ምን ጅወትሉ ዳስ አሰክ ቤት ዐድ ሕጻን ትብጼሕ መልህያም መርዓዊ ክም ንጻፍ እት አርድ እንዴ አክረረው ወህተ እት ረአሶም እት ካይድ ጨበል እንዴ ኢተምትም አሰክ ቤተ ተአቱ። እሊ ህዬ እግል ፋል ሰኔ እንዴ ትብህለ ለገብእ ዐዋዲ ቱ።

እት ገሌ ብሩር ኢንዶኒዶዩ ሸቅል ረፊዕ መርዓት እብ ኡብ መርዓት ቱ ለገብእ፡ እሊ በህለት ለኡብ እግል ወለቱ ምን ቤት ዐደ አሰክ ዐድ ሐሙህ እንዴ ሐዝለዩ እግል ለኡብጽሐ ልትቀሰቡ።

በሀል

እግል ሚ ቱ ሐርማዝ ምን አንጻይ ፈርህ?

ሰከይ ሐርማዝ ምን አንጻይ ለልአትፈክር ቱ። ገሌ አንፋር ሐርማዝ ምን አንጻይ ለሰከ እቡ ሰቡብ ለአንጻይ እት ንጎተ እግል ኢትእቱ ሰበት ፈርህ ቱ። ለሐቂቀት ላኪን እለ ኢኮን፡ ሐቱ መረት ሐርማዝ ሐመ ወእግል ልትዳዌ እት አንጻይ ጌሶት። ወአንጻይ አቀዋፍ እንዴ ጨፍጨፈት ዳዌቱ። ወሐርማዝ እበ አንጻይ ወዴቱ እሉ ውዳይ ሰኔ ፈርሐ ወህያብ እግል



ልሀበ ክምቱ ቆል ኡተ እሊ። አንጻይ ለህያብ ለሐርማዝ እግል ሀበኪቱ ለቤለዩ ዮም ገብእ ሀይበኒ መፈጅር እት ትብል እብ ሰእዩት አሰክ እለ ትጸቡ፡ ህሌት። ምናተ ሐርማዝ ቆሉ ሰበት ጠልመ እሊቱ አሰክ እለ እብ ክጅል ምን አንጻይ እት ልትሐበዕ ወእት ሰከ ኑብር ለህለ። ክምን እለ ቅሰት እለ ለእንደርሰ እግል ንውደዩ መቅደረት ለአሉብነ ሓጅት ገለድ እግል ንእቱ እበ ኢወጅብ። ሰበቡ አክረተ ክጅል ሰበት ሰቡብ።


ለልአትዐጅብ ሐቃይቅ ገርብ ወድ አዳም

- ዕንታትነ ምነ ለትወለድነ እት አምዕል አሰክ ነዐይ ክል ዶል ቅደሱ ኢቀይር፡ ምናተ አንፍነ ወእዘነ እት ለዐቡ ገይሱ።
- ሰብ ተብዕን ምን አንሳት ወልዐል ብዙሕ ደም ወቀዬሕ ዋህዮታት ደም መልኮ።
- ኦሮ ታምም ነፈር ከባደት ቀርቡቱ 3 ኪሎ ግራም በጼሕ።
- ሪም ሸሕለሌ ናይ ኦሮ ነፈር 25 ሰንት ምትር ገብእ።
- ኑብረ ምን አፍነ እብ ገበይ ሸሕለሌ እንዴ ወዴት አሰክ ኩብድነ እግል ትብጸሕ 7 ሳንዩት(ሰከንድ) ነሰእ ምኑ።
- ገርብነ እት ሰፍሬ እቱ ወክድ ሕድ በሌዕ።
- ዕንታትነ እት ኑብዕ እቱ ወቅት አንፍነ ጠልል፡ እሊ ለገብእ እቡ ሰቡብ፡ ለእንበዕ ምነ ዕንታትነ ዲብ አንፍነ ሰበት ጀሌሕ ቱ።
- ሀንደገት ልብ ናይ አዋልድ አንሳት ምን ውላድ ትሸፍግ።
- ውላድ ተብዕን ምን አንሳት ወልዐል መቅደረት ቅራኡት ክቱብ ነኣይሽ መልኮ እት ሀለው፡ አዋልድ አንሳት ህዩ መቅደረት ሰምዐት ክርን ድህር በን።

መዕሉማት

- ለሬማ ሐርብ ምን 1330-1453 እግል 125 ሰኖታት እት ፍንጌ እንግሊዝ ወፈረንሰ ትጋዩሰ።
- ለሐጭረ ሐርብ እት 27 ኦገስት 1896 እት ፍንጌ እንግሊዝ ወዝንዚባር ለገብእ እት ገብእ፡ ለሐርብ 38 ደጋይግ ሌግ ከልኡ።
- እት 1812 ናፓልዮን እግል ሩሰዩ እት ወረት እቱ ወክድ ምን እት ለዐለው 500 አልፍ ዳሽ፡ እብ ሰቡብ ሕማም ቱፎ ወብዕድ ዔድዩት ሕማማት 3 አልፍ ለገብእ ሌግ ምነ ዳሽ አሰክ ዓዶም አቅበለው።
- እት ፈረንሰ ወእብ ዓመት እት ዐለም፡ እሙር ውሓዋር ላቱ ሚርሓይ ሐርብ ክም ቱ ለልትአመር ምን ደመሚ ፈርህ ዐለ።

10 ፍንቲቲ ሰወር ሕዘው



መቅራሕ ዋልድ ወውሉድ

ዋልዱን ዲብ ዕቢያት አጀኒትነት ዶርን ዐቢ ክምሰል ቱ፡ እግል ነኣምር ለአስትህል። ዎርት አብ ምሰል ወለቱ ከአፎ ልክቃረሕ ክምሰል ዐለ ክእነ ለተሌ ለሓኪ፤ ወለቹ ምሰል መሳኒተ ዶል ትትበአስ ወትትቀጽብ፡ እሰልፍ እነ እት መጦረ ክምሰል ህሌኮ አክድ እግል። ለከለዋ ዲብ ህለ ሐቆ መሰል እቹ እብ ቅሩቹ፡ ሳምሐኒ ብሂል መደረት ክምሰል አለቡ እግል አፍህመ እጀርብ። ሰኒ ወደያኪ፡ እንቲቱ ለከልጣኒት፡ አከይ መካይድ ኪድኪ፡ እለ እግል ትውደይ ይዐለት እግልኪ ይኣብለ። አክላዋ ሐዋን ዶል ትውዴ፡ ምሰል እትሰሐቅ ወክም ቀሊል እነሰሐ። ምሰል መሳኒተ ዶል ትትፋገዕ ወትተል። ህተ ትበልሰ እት ህሌት፡ እንዴ እገንሐ ደለ ህተ ቴሉቱ አይድ ወእትለወቅ እግል። ለኢልአትሰሐቅ ሓጀት እንዴ ርኤት ዶል ትትሰሐቅ፡ እት አምር ምሰል እትሰሐቅ ወአትናይተ። ሰበቡ ህይ፡ ዋልዱን እት ዕምር ንእሽ ክምሰልሁ እንወዴ ክምሰል




ዐልነ ንትረሰዐ። አጀኒት ነኣይሽ ወእብ ፍንቱይ ህይ መንደሊታት ጠቢዐቶም ምን ዐባይ ሰኒ ሰበት ትትፈንቴ ክምሰልን እግል ንሕሰም ኢወጅብ። በክት ንእሽናሆም እግል ነኣይድ ወነሐምድ እግሎም ለአስትህል። ወለቹ ምን ቅድረተ ወለዐል ጋራት ዶል ሳድፈ እብ ቀልብ ባርህ እት መጦረ ክምሰል ህሌኮ አክድ እግል ወእብ ቅድረቹ እጀርብ። ክእነ ሰበት እጀርብ ህይ፡ ክም እሰድዮ እንዴ አመረት ኢልበ

ዶል ሳድፈ ዲብዬ ትመጽእ። ክል-ዶል እበ ሕቡን ክምሰል እነ ወክም ተኣሽነኒ እሽፊሕ እግል። እለ ህይ፡ እት ነሰ ደማንት ወንዮት ሰኒት ከልቅ እግል። ከሓይሳም ዋልዱን፡ ምን ተጀሪበት እለ አብ ለእንደርሰ ምን ተህሌ፡ ውላድነ ዲብ ገበይ ራትዐት እግል ሊገሰ ከለው እብ በሰር እግል ነኣፍህመ ወመቅራሕነ ናይ ምሰንዮት እግል ኒደዩ ንትጸገም ክም ብና ተ። ለአስትህል።

አዋዕሚቶ

ዎርት ደረሳይ ምን መድረሰት ክምሰል መጽእ፡ አቡሁ እብ ፈርሐት እንዴ ትከበተዩ። ክእነ ቢለዩ፤ አብ- መርሐበ ወልዬ ሸላል! ሰኒ ውዕል ማሚ? እንዴ እብለ ትገሌ፡ እንተ ለጠግሞክ አሰክ ትበሌዕ፡ እነ ለከራሪሰክ እግል እርኤ እግልኩ። ጅነ - ይቤ የም ከራሪሰዬ ልጽነሕ እግልኩ ሐሬ ትርእዩ። አብ - አፎቱ እንዴ ሀበኒ ቱ። ጅነ - እንክላ ሳኪን ሐሬ ኢትሕረቅ! አብ - ደሐን ቱ እንታዲ፡ ምሽክለት አለቡ። ከለዋመ ዋዲ ምን ተህሌ ኖሰነ ምሰል እንገንሐ። ጅነ - የም ላቱ ሰኒ ኢሸቁኩ። አብ - ሰኒ ሻቂ ይህሌኩ። ሚቱ እት ጀርቤ ምን ሰር ወተሐት ምን አምጽአክ? እንተ ምኒ እንዴ ግሰክ ትቀይብ ህሌክ በህለት ቱ። ጅነ - ይበ አነ ቃይብ ይኣነ። አብ - ምን ኢትቀይብ፡ ድራሰት እንዴ ሐልፈተክ ክእነ ንቅጠት እኪት ወይአምጽአክ። እግል ትተልፃ እንዴ ትቤ ትቀይብ ህሌክ አማን አሰእለኒ። ጅነ - ይቤ አነ ኢኮን ለቂብኩ? አብ - ክምን ቱ ለቂቤ አሰእለኒ አዜ ገረድም እንዴ ይእወዳክ! ጅነ - ለጅነ ለቀደምዬ ልትገሌ ዐሊ፡ እንዴ ሐመ እግል ሳምን ሰበት ቂቤ፡ አነ ክእነ ንቃዋ እኩይ አምጽአክ!



ገሌ ምን አድጋማት ሙሰ ነሰራዲን

እት መደት ሰኒ ቅድምት ሙሰ ነሰራዲን ለልትበህል ላብብ ወበዐል መባልሰ ዕጉል ላቱ እናሰ ዲብ ሐቱ ሐፍለት ናይ ዝጣዋ ዲሽ እንዴ መጽእ ክምሰል ዐዘመት ሊጋብአት እግሉ ነፈር አስተርሐ፡ በልዐ ወሰተ። ዎርት ምን እግል ዝጣዋ ለዐቅቦ ለዐለው ዋርድዮት እንዴ መጽእዩ። “ሰምዐኒ ወድሰብ እንተ ፍሩግ እግልዬ ይህሌኩ። ምን አዩ እንተ?” “አነ በዐል መሰከብ አነ።” “እሎም እትለ ለህለው አንፋር ክሎም ሰብ ርትብት ዐስከርየት ወሰብ መስኦልየት ቶም። እንተ ክምሰልሆም ልባሰ ዐስከሪ ወርትበት እርኤ ዲብክ ይህሌኩ፤ ሰበት እለ እለ አካናትክ ሰበት ኢኮን ሽረፍክ እንዴ ጸብዋክ ምን ትገይሰ ለሐይሰ።” “አነ ምኖም ወለዐል ርትበት ሰበት ብይ ይእገይሰ።” “ርትበትክ ሚተ?” “ርትበቹ ሰኒ ውቅልት ቱ።” “ሚጀር እንተ?” “ምኑ ወለዐል አነ።” “ኮሎኔል እንተ?”

“ዲብ እለ ተሐት ኢትብለሰ። ምኑ ወለዐል ሕዜ።” “ብርጌደር ጀነራል እንተ?” “ዲብ እለ ተሐት ኢትግነሕ።” “ርትበቹ ውቅል ተ እብለክ ህሌኮ ማሚ?” “ሃያእ! ሚጀር ጀነራል እንተ ትብለኒ ህሌክ?” “እለ ድህርት ዲብዬ ተ?” “ገድም ጀነራል እንተ ገብእ?” “ዲብ ከረ ጀነራል ኢትሕዜኒ። ርትበቹ ለዐል፡ ለዐል ሕዘዩ።” “ሚ እናሰ እት? ርትበት አለብኩ፡ ሰኒ ላብሰ ይእንተ፡ ደለ መጽእ እብክ ኢልትሐሰር፡ ከአፎ ለዐል አነ ትብለኒ?” “ምን ርትበቹ ልትወቀል አለቡ እብለክ ህሌኩ።” “እለ ምን ገብእ ማርሻል እንተ ገብእ?” “ምን ማርሻል ወለዐል አነ። እለ እንተ ትብሉ ለህሌክ ርትብ ምን ክሉ ናይ ትትወቀል።” “ሰምዐኒ ዲብ ዐስከርየት ለህለ ርትብ ገድም ክሉ በጽሐናሁ። እንተ ህይ ምኑ ወለዐል አነ ትብለኒ ህሌኩ፤ እንዴ ለርትበትክ ሚታ?” “ርትበቹ ሰኒ ውቅል፡ አዳም ለኢሊህይብካት ወአዳም ለኢከርየ ፍንቲት ርትበት ቱ። አነ ሽዑብ አነ። ሽዑብ ህይ ምን ክሉ ወለዐል ቱ። ሽዑብ ቱ ለበዐል ርትበት




ወርትበት ለለህይብ። እሎም ትርእዮም ለህሌክ ሰብ ርትበት መንግሥም አናቱ። “ያሰላም! እብ አማን መንግሥም እንታ ቱ!”

መታክል እብ በሰር ባልሐት

መደት ሐቱ ክልኤ ጠሊት እብ ገበይ ሰኒ ጨባብ እት ለሐልፈ አድሕድ ትቃበለዩ። ለሐቱ እብ እንክር ግብለት ወለካልኣይት እብ እንክር ቅብለት አድሕድ ሰበት ትቃበለዩ፤ ለእለ ወድዮ ትቀዌት እትን። እግል ልሕለፈ ሐቆ ጀሪባዩ አድሕድ እግል ልደርካ ቱ። ምነ አካን ለህ ለወድቀት ህይ እብ አሰ እግል ትደርገግ ሰበት ቱ እግል ትድሐን ኢትቀድር። እለን ክልኤ ጠሊት ለእግል ባሰረ እንዴ ቀወዮ ብዘሕ ትሻቀለዩ። ሐር እግል ኢልአቅብለ ህይ ሐቱ ከእብ እንክረ ጋራት ትርድት ዐለት እግል። ሐቆ ሀላግ ወገማት ትርድት ለሐቱ በሰር አምጽአት። ክእነ እት ትብል እገለ መልህየተ አሰአለተ። “ሰምዐ፡ አነ እትለ አካን አክልሕድ እግል እትመደድ (አክርር) ቱ። እንቲ ህይ እንዴ ካደኸኒ ሕለፈ። እንቲ ክምሰል ሐለፍኪ ህይ አነ እንዴ ቀነጽኮ ገበይ አተላሌ ቴለተ።” ለካልኣይት እብ በሰር ናይለ መልህየተ እት ትትፈከር። “ረቢ ልባርከኪ፡ ምን ርሕይ እግል መልህይ ብሂል ምንኪ እሰምዑ ህሌኩ።” እንዴ ቴለተ ካደተ ከሐልፈት። ክልኢተን ህይ ሐቱ ከእብ ሰላመተ ገበዩ አተላሌ። እለ ተዕቢር እለ እብ ገበይ ሐዋናት ምንመ ልትመሰል ከልትከተብ፡ እት ሐያትነ ለሳድፈነ ክእኒ ለመሰል መታክል ዕልብ አለቡ። ከእግል ሳድፈነ መታክል እብ ሐሊት ወአነ እተረድ እግል ንባልሐ በደል እንጀርባ፡ እግል ክልነ እበ ተሐይሰ ገበይ እብ ጎማት ራትዐት እግል ንባልሐ ለአስትህል።

ሰኩብ ዲብ ዓፍየት ገሮብ



እት ወቅትኩም ትሰክቦ ማሚ? እንዴ አምሴኩም ሐቆ ሰኩብኩም ሚ ልትሰምዐኩም? አቤ፤ ሰኩብ እግል ዓፍየት አዳም ሰኒ ወአማን ምህም ቱ። አዳም እብ ዋጅብ ሐቆ ኢሰክበ ዓፍየቱ ታመት ኢትገብእ። ምን ሰኩብ ለኢጸግቦ አንፋር ሰብ አከይ-ነፍሱ፤ ሰብ ሀመት ወመትረሰዐት ገብኦ። ሰኩብ ወሕልም እግል ዐቅልነ ሰኒ ምህም ቱ። ሰበቡ ህይ፡

- ሰኩብ እግል ገሮብነ አብ ዋጅብ ሸቅሉ እግል ሊዴ ሰድዩ።
- ሴላት (ዋህዮታት) ልትበደሉ አው ልትበነው፤ ርስሐት ትፈገር

ምኒክላ ሐንገልነ ሴላትነ እግል ልበድል ወመትጸባዮ ዐሰሳት ወሐንገል እግል ልተረድ ለወቅት ልትነፈዕ እቡ።

- ዲብ ሐንገልነ ዕቁር ለህለ ሽዑርነ ዲብ ደሚርነ ለአቀብል። እብ ዋጅብ ሐቆ ይንሰክብ ለዲብ ቀበትነ ሕቦዕ ለህለ ሽዑርነ ወዘክርያትነ እግሁ በዴ።
- ሰኩብ ወሕልም ለዲብ አምዕላይ መንበረትነ ለእንወድዩ ወራታት እብ ዋጅብ ክምሰል ልትከዘን ወልትረተዕ ወዴ። እብ ክሰብ እለ ዑለመ ዲብ ደረሰ ለወደወ ሕፍዝ ዐሊ። ለእብ ዋጅብ ለሰክቦ



ወልትሐለዋ ደረሰ ምህር ሰኒ ክምሰል ልትፈሀምም ወናይ ፈቂድ መቅደራቶም ለትወቀለት ክምሰል ተ እግል ለአክዶ ቀድረው።



መንበ ትግረይት

1^ይ-ክፋል

መልህያም ጀሪደት ኤረትሮፕላን ሐዳስ ወክርን ገቢል በርናምጅ ፋግፖት ላቶም ኢብራሂምታት በህለት ኢብራሂም መሐመድኑር ወክርኑሂም ሓጅ ምን ቅዋት በሐር ኤረትሮፕላን ገደም፡ ዲበ ንሳል ገቢል ወእዝን ገቢል ላተን ጀሪደት ወሬድዮ ትግረይት ለነድአዉ ጽበጥ ናድአም ህለው፡፡ ከሕናመ ዲብ ክልኢቱ እግል ነአፍግሩ ሰበት ሐዘኑ፡ እንሻለህ ነሐርኩም ኢልደበእ ዲብ እንብል፡ ክመ ልጥዕም እግል ንቀድሙ እኩም ቱ፡ ከጀሪደት ኤረትሮፕላን ሐዳስ ዓሙድ ፈን ወግዳት እበ “መንበ ትግረይት” ለትብል ቅሶት ክምሰሁመ ሸዕር ምን ዮም ምዕል እግል ተአንብት ቱ፡ ከቅራኦት በኪተት ንተምኔ እኩም፡፡



ኬትባይ ቅሶት መንበ ትግረይት ኢብራሂም ሓጅ

ቅራኦት እፈቱ፡፡ ቅሶስ ሐጫይር ልግበእ ወአክትበት ዐባዩ ብዙሕ ቃርእ አነ፡፡ ቅሶት ትቀሰሰ እት ህሌትመ ምን አተንሳዩ ይእትገሴ፡፡ ክሱሰን ሰኒ ለቀርእ ቁርኣይ ዶል ቀድመ፡፡ እብ አሳሰ እሊቱ መሰለኒ፡ ነፍሼ ኬትባይ ወቁርኣይ ግበእ ትብለኒ፡፡ አነ ላኪን ንዮቼ ምን ቁርኣይ ወመተንሰዶ ወኬን እንዴ ሐልፈት፡ እብ ኖሼ እት ክታብት አምር ክቱብ ከጥወት ዐባይ እግል እንሰእ እተምኔ ዐልኩ፡፡ ወክምሰል ትምኔቼ ምን ገብእ እግልዬ ወምንዲ እፈድብ፡ ክምሰሁ እንዴ መሰልኮ እግል እመሰል ሐዘ ለዐልኮ ቁርኣይ ፈዳብ ዐለ ዲብ ሐንገልዬ ረቢ ጀነት ወረሕመት ለሀቡ፡፡

ዲብ ሐዶቼ እግል አወል መረት ለርኤክወ ወለእፈቅደ እት መአንብታይት ደረጀት ዲብ እደርስቱ፡፡ እተ ወቅት ለሀይ ቅሶት ተ ሚ ክታብ ድራሰት እፈርግ ይዐልኩ፡፡ ምሰል እንደርሱ ለዐልነ ሕሰስ ከረ ታእሪክ ወሰዶስት ትትማሰል ዲብዬ ሰበት ዐለት፡ ክታብ ቅራኦት እት እንቱ እበ መንህጅ ናይል ወትት ለሀይ ለትክተብ መሰል እቼ ዐለ፡፡ “ምን ምድርን ተወዝ ይእንብል” ለትብል እብ ምደርስ ዐሊ ዐቤ ለትክተብት ቅሶት ተ፡፡ ቅራኦት ናይል ቅሶት እለ ምን ቅዶስ ወለዐል ኩብድ እቼ ዐለት፡፡ ምደርስ ሕሰት ትግራን እንዴ ሀረሴን እብ ምር ምር ለአቀረአናተ ዐለ፡፡ ምሰል ቅራኦቼ ለእክርት ላመ ክቱብለ ጥብዐት ጀድድ እቼ ዐለ፡፡ ዲብ እትዋቃእ እቅርኡ ለዐልኮመ ክቱብ ተርጀመቱ ተሐይለኒ ዐለት፡፡

ክሉ ረአሱ ልትፈሀም እዩ ይዐለ፡፡ እብ ያረቢ ሰዴኒ ወምደርስ ምዶል ከፊከ ልብለኒ እት እብል ህዩ እቅርኡ ዐልኩ፡፡ መብዘሐም ለደረሳመ ክምሰሌዬ ዐለው ዲብ እብል፡፡ ንትቀሰብ ዲብ ለህሌን መሰል እቼ ሰበት ዐለ፡ ምደርስ ትግራን ዶል መጽእ ሰኒ ወአማን እትለሀግ ዐልኩ፡፡ ህቱ ኖሱ ለምደርስ ዶል ቀረኦ እግልነ ሸበህ ዐለ ለፈሀምን እተ ቅሶት፡፡

ንእሽ ለሐልፍ ወፈሀም ወዝክርያትመ እንዴ ፈዴሕ መጽእ፡፡ ቅሶት ምን ምድርን ተወዝ ይእንብል

ሐቆ ሕርየት ዲብ ትሰባታት እት ክርን ገቢል ኤረትሮፕላን በርናምጅ ፋግፖት እግል ትትቀረእ አንበተት፡፡ ለሰነት አዩ ሰነት ክምሰልተ አክል ሕድ አዘ ርሰዐ ህሌኩ፡፡ ሰነት 1994 ገብአት ምን ገብእ፡ እተ ወቅት ለሀይ አነ ደረሳይ ሳድስ ፈሰል ዐልኩ፡፡ ወመምክን ግራሁመ ገብእ፡፡ ቅራኦቼ እግል እለ ቅሶት እለ ዲብ ሳልሳይ ፈሰል እት አነ ሚ እግል ትግበእ፡ ምን ምድርን ተወዝ ይእንብል ምን ክታብ ለልትቀረእ ክቱብ እንዴ ኢገብእ፡ ኖሰ እብ እገረ ለትሄርር፡ እብ እደዩ ለትገናድል፡ ለተአተንፍሱ ወትትሃኔ ሬሕ ለበ ቅሶት እንዴ ገብአት መጸአተኒ፡፡ ለበዲር ዲብ መአንብታይት ደረጀት ለአምረ ወብዙሕ እንዴ ይእፍህሙ ለሐልፈኒ ለዐለ ጽበጥለ ቅሶት፡ ዮም ክምለ ዐለቱ ቀረኦ ህለ ለቁርኣይ፡ ወለ ናዩ እብደዕ እንዴ ወሰከ እተ ለአገርመ ወልክሕለ ህለ መደላይ አበ እግልዬ፡፡ በዲር ለአምረ ቅሶት ኢመሰለት እቼ፡ እምበለ አርእስ እት ኢኮን፡፡ ለክቱብ ለልትረቀእ ለዐለ ኩሉ ጀደደ ዲብዬ፡፡ ሰኒ ወአማን ጠዐመት ወገረመት እቼ፡፡ በዲርመ እብ ኢፈሀመ ሕጎም ምን ወአብዩ ክምሰል ዐልኮ አመርኩ፡፡ “ሐሊብ ስቱ ወድ መንደር” እት ልብሎ ምኒን እብ ዕምር ለለዐቡ ደረሰ መድረሰት ጸብረ እግል ሙሰ መንደር ሰኒ ለለአሙሩ አውመ ህቱ ለቀድሙ በራምጅ ብዙሕ ቱብዓም ክምሰልቶም እንፍህም ዐልኩ፡፡


“ሰንበት ዐባይ ምዶል መጽእነ

በርናምጅ ፋግፖት ወቅሶት ምን ምድርን ተወዝ ይእንብል” እግል ንታቤዕ እት እምብል እብ አተቅሳይ እግል እትጸበር አንበት፡፡ ረዋዲ ለም ደረሰ ምርምር ምንማቶም፡ ክሉ ትግረይት ለልትሃኔ ወሰሚዕ ዲቦም ንትካፈል ዐልኩ፡፡ በዐል ራዲመ ሰንበት ዐባይ ጅማዐቱ እግል ልትከበት ዱሉይ እት እንቱ ጸኔሕ፡፡ ቅሶት ሐቆ ተመት፡ “ለመጽእ ክፋል እተ መጽእ በርናምጅ ፋግፖት ታብዑው” ዶል ልብል ለቁርኣይ ወለቅሶት ፍንጌ ምድር ወሰመ ዲብ ተሀንጦጥል ዶል ለሐድገ ዲብኩ ልትፈሊ ወለ ሳምን እብ ግዲደ እምብል አትካራም ወአተላለዩ እምብል ዐልኩ፡፡ እሊ ህዩ ምን ክትረተ ልብ ለትሸፊ ወደሚር ለትረዬሕ ትግረይት ክመ ሐዘ ሰበት ፈሰረ ወለአሴርራቱ፡ እንዴ ይእንመሸገ ንትፈናቱ ለዐልኩ፡፡ ላኪን በርናምጅ ራድዮ ኩሉ እብ ሳዐት ወሳንዩት ሰበት ገይሰ ለቅራኦት እግል ትዋሰል እግልነ ምን ንተምኔመ ለትገብእ አለቡ፡፡ ንእቤ ወንፍቱ ሳምን ሓሪት እት ነአፍኬ እግል ንታኬ ንትቀሰብ፡፡

ሐቆ እለ ቅሶት እላመ ብዙሕ እብ ሙሰ ለትቀረኦ ወለዳለ ቅሶስ ወአሸግር ሐድ ኢሰመዐኩ፡፡ ናይ ኖሱ ልግበእ ወናይ መሻርክት ክርን ገቢል፡፡ ሙሰ አሸግር እንዴ ቀርኦ ሐቆለ ክርንቱ ለትሰመዕ ቃሎት፡ እብ ፈን ቅራኦት ወምሀዞ አትጋራም ትግረይት እንዴ ቤለ ለክልቀዩ ፍንቲት መቅደረት መሰል እቼ ዐለት፡፡ እሉ እግል እምሰል ሐዘ፡፡ ንሳልዬ እንዴ ሓፈሰኮ ወእንዴ ወቀልኮ እቅርኡ፡፡ አክር ከሊማቼ ቃሎት እግል ልምሰል እዩ ህዩ እደጋግሙ ዐልኩ፡፡ እት በርናምጅ ትግረይት ክርን ገቢል እታበዐን ለዐልኮ በራምጅ ሕርያን ሕላይ፡ በርናምጅ ሐጠር ወፈራሰት፡ ወበርናምጅ ፋግፖት ምን ወኬን እንዴ ሐለፍኩም ምን አክባር እንዴ አንበትኮ አሰክ “ዐውቱ እግል ገቢል!” እንዴ ትቤ መታበዐት አንበትኩ፡፡

አነ ምን እሊ ኢዶም እሊቱ ምሰለ ኢአምሩ መርሐም ሙሰ መንደር እብ ከዶል ለተአመርኩ፡፡ ረዩምቱ ሚ ሐጨር፡ ቀዩሕቱ ሚ ጸሊም፡ ቀጢንቱ ሚ ደላግ፡ ምንመ ይአምር፡ እብ ኖሼ

ወሰፍ ሀብኩው፡፡ ሻብ ረዩም ዕኩክ ወእብ ድግድጋሁ ኩሉ ለለአምር ወሐበት ለኢተሐይሉ ፋርስ፡፡ እግሉ እት እትመሰሰል ወክም ህግደሁ እግል እትሃኔ ሐዘ፡፡ እብ ዕንታቼ እግል እርኣዩ ዶብር ወእተምኔ፡፡ ገሌ ምን አምሮም ለዐልኮ ደረሰ እት በርናምጅ ክርን ገቢል ሻርኮ ሰበት ዐለው፡፡ ጀዋባቶም ከአፎ ነድእዉ ወሐሬ ከፎ ቀዱሙ እግሎም ህለው እንዴ እቤ ለአረቅቡኒ ዐለው፡፡ ጀዋቡ ሙሰ መንደር ለቀርኣዩ “ወህቱ ነሐምደክ ፍላን” ለቤለዩ ደረሳይ ዶል እርኡ “እሊ ነፈር እሊ በክቱ ሰኒ ሸዲድ ቱ” እንዴ እቤ ሰኒ ለአቀንኣኒ ዐለ፡፡



ሸሂድ ሙሰ መሐመድ አድም (ወድ መንደር)

ሐቆ እሊ አነ ወጅማዐቼ ምሰል እግል ንሻርክ አንበትኩ፡፡ አወል አሰክ ክርን ገቢል ክም መሻረክት እንዴ ሐሰብናሁ ለለአክናሁ ጀዋብ፡፡ አሰክ በርናምጅ ሕርያን ሕላይቱ ለዐለ፡፡ በክትነ ሰነ ከለሐሬናህ ሕላየት ትቀደመት እግልነ ወአሰማይናመ ትቀረኦ፡፡ ለወክድ ለሀይ ለበዝሐው ደረሰ አሰክ

በርናምጅ ሕርያን ሕላይ ከትቦ ሰበት ዐለው ቶም፡፡ ሐሬ ክመ ፈሀምኩው ላኪን፡ ሰሚትናመ ምን ትትቀረኦ፡፡ ሕርያን ሕላይ መቅደረትከ ለለአርኤ ወሙሰ መንደር ለቀርኡ ወለለሐምደክ እቱ በርናምጅ ክም ኢኮን አመርኩ፡፡

ትተላሌ.....

መንበ ትግረይት


እድንዩ መራር መሸልተፊት ተ በልቀት ዐላል ውልድ ትብል እተ ከብቴህ እብ ዕላል መትሐድራይት ትመሰል ናጽፍ እክ ሐን ዕዛል ወአምዕል ለእግለ ተአምመ ትነሰኣክ እብ ቀላል ምን እግሉ ትፈቱ ትፈንቱክ ከተሐድገክ እት መላል ሙሰ ሸትፈት ምኒን መንበ ሰርን ሐላል እት ገሀይ ከሬተነ ዲብ ጭምብወ ወክዶል ሻሙ ሐድገት ዲብን ሰርቤብ ምሰል ሰፈላል፡፡

ምንኮርታ ለእግለ ገብአነ እምበል ሐብሬ ወሐዘር ዲብ ደንገረት ሐድኔነ የአትጋመ ወድ መንደር መንበ ለአርካን ገባይል ድን ዳምር ወመሕደር ሙሰ ለረደእ ትግረይት ሰርጎህ ዐለ ወመንዘር ካብረት እንተ እግል ትንበር አሸነዩ ረአስ መንበር ሓድራም እት ሕነ እብ ሕበር ከም በዲርን እት ንጸበር ወዲብ ነአፍኬ ገበዩ እግል ልምጸአነ እብ ከበር መውዲ ቀጢን ዐሬነ ለገርብ ራግዝ ክም እበር አባይ እኪት ህምራሪብ ሹም ትግረይት ‘ግል ንቅበር እበነትነ እግል ንክሬ ወእብ ዕንታትነ እግል ንጽበር ኤማነ ለሀበነ ሕፍንተ እላዲ ኢትትቀደር፡፡

ሙሰ ሰልፋ ኢኮን ለእድንዩ ጠራሪት በዲርመ እግል ርሕነ ትገህፍነ እግል ለሀሌ እነ እግል ዲመ ዲብ አርወሐትነ በኪነ ነፍሰ አቤት አዘመ ዲብ ርሕኪ ብክይ ትግረይት ኢትእዘሚ እንቲመ ሄዶ በዐልተ እንቱ ኖሰኪ አገሪመ ምን ጽርጸር ወዘፍን ላሊ ወአምዕል እብ ሪመ ምን ኢልውሕድዲ ኢበዘሕ እቱ እሊመ እለ ካይነት አማነት ሙሰ ወኢገብእ ቀሪመ መንበ ትግረይት አዶረቱ ምንኪ ከከድነተነ እሊመ፡፡

ትተላሌ.....

ኢብራሂም ሓጅ ቅዋት በሐር ኤረትሮፕላን - ገደም



ሻምፕዮን ክለባት ኩዕሶ እግረ ቀጸሉ

ሻምፕዮን ውላድ ነዋዲ ኮበሪት እግር ኤሪትርያ፣ ማሌ-ሊህ አትኒን እት ስታድዮም ከረን እብ ሰለስ ትልህያታት አተላለ።

እተ ፍረቅ መጅሙዐት 'ሀ' ለወደዩ ትልህያታት፡ እሰልፍ ደንካልየ ወአቁርደት ትዋጅሀው። ደንካልየ እት 2ይት ደቂቀ እብ መርሃዊ አፍወርቂ ጎል ሻፍግ እንዴ አተው መርሐው። ደንካልየ



መተልህያይ አዱሊስ - ሐበን ተኸስቲ

እብ ሐዲስ ዲብ 13 ደቂቀት እብ ሚሮን ሰብሀቲ፡ እት 35 ወ45 ደቂቀመ እብ ሻም ፍሬዝጊ እብ አተው እሎም አግዋል 4-0 ዋላሁ አተረደ።

አቁርደት ህዩ ዲብ ናይ አወላይ ሾት ወሰክ ደቃይቅ እብ ዘርእሰናይ ክብሮም ጎል እንዴ አተው፡ 4-1 ዕርፍ ፈግረው።

እት 2ይ ሾት እንዴ ትዝመ ለአቅበለ ፈሪቅ አቁርደት፡ እት

47ይት ደቂቀት እብ ቢንያም መንግስትአብ፡ እት 55 ደቂቀት ህዩ እብ ሄርሞን ሰለሙን አግዋል ረክበ። ሐቀሃመ እት ካቲመትለ ትልህየ ናትናኤል ወልዳይ ጎል ሰበት ወሰክ፡ አቁርደት እብ ተአትዐጅብ ትልህየ ምን ግረ እንዴ ትፈርገጸ ለትልህየ 4-4 እንዴ አትመመዩ፡ ዲብ መሰለሐቲ በደለየ።

ደንካልየ ሚርሐቲ እግል ለሐዋዋ ሰበት ኢደቅብ ህዩ፡ ሰለስ ንቅጠት እግል ልክሰብ ለዐለት እሉ፡ እብ ሐቲ ንቅጠት ፈግረ። ቢንያም መንግስትአብ ህዩ፡ ለሐሰ መተልህያይ ነስኢ።

ትልህየ ፍረቅ በሐር ቀየሕ ወአልነሰር፡ እዴ ለዓሊት ናይ በሐር ቀየሕ ለትረኤት ዲብ ዐለት። በሐር ቀየሕ፡ ሰስ ጎል እብ ሳልሕ ሰዑድ፡ ወኦሮ ጎል እብ ቤንሁር ጠዓሚ እንዴ ረክበ፡ እግል አልነሰር 7-1 ቀልበዉ። ለዎሮ ጎል አልነሰር ህዩ፡ ሐበን መሐመድ አተዩ። ሳልሕ ሰዑድ ህዩ ለሐሰ መተልህያይ እብ ሱፐር-ሃትሪክ ትሰመ።

ፈሪቅ አልታሕሪር እብ ኬሸን በረኸት ክልኡት ጎል እንዴ አተ፡ እግል እብ ናሆም ተኸሌማርያም ጎል ለረክበ ሳላሌ 2-1 ቀልበዩ። ለሐሰ መተልህያይ ህዩ ኬሸን ነስኢየ።

ደርቦም ለትዋጅሀው ፍረቅ ሰንዐፊ ወአልህላል እት ጉበኤ፡ ፈሪቅ ሰንዐፊ እብ እስማዒል ሰዒድ ወንያት ዘርእዝጊ ለአተው



ሱፐር-ሃትሪክ ለሸቀ መተልህያይ በሐር ቀየሕ - ሳልሕ ሰዑድ

አግዋል፡ እግል ፈሪቅ አልህላል 2-0 ቀልበዉ። ንያት ህዩ ለሐሰ መተልህያይ ነስኢ።

ፍረቅ አዱሊስ ወእስመንቲ ለወደወ ትልህየ ህዩ፡ እብ ዐውቲ አዱሊስ 5-2 ተመት። አግዋል አዱሊስ ለአተው፡ ቢንያም ግርማይ ሰለሱ፡ አቤል ወልደዬሰስ ወረደን ሰዑድ ህዩ ዎሮዎሮት ጎል እት ለአቲ፡ መሐመድ ሙሳ ወፋንኤል ጉበራይ ህዩ፡ አግዋል ፈሪቅ እስመንቲ ለሰጅለው ቶም። ምን ፈሪቅ አዱሊስ ላቲ ሐበን ተከስቲ፡ ለሐሰ መተልህያይ ነስኢ።

ለሐሰት መጃገረት ለዐለት ዲብ ትልህየ ደንደን ወዐንሰባመ፡ እብ ጸቢብ እብ ዐውቲ ናዲ ደንደን

ሄኖክ፡ ለዎሮ መትባድራይ አፍሪቀ ዲብ ዱር ስፕይን

ኤርትራ መትባድራይ ናዲ አስታና - ሄኖክ ምሉእብርሃን፡ ሰንበት ንኢሽ 22 አጎስት እተ አንበተ ዱር ስፕይን እግል ልትጃግር ቅቡልየት ረክበ። እሊ ክለ በቃዐት (All Round) ለአታመመ ሻብ፡ እትሊ ናይ ግራንድ-ቱር ሻርክ ለህለ እግል ሰልፍ ኢነቲ ቱ። እብ ፍንቲይ ዮም ዓመት፡ ወእብ ዓመት እተ ሐልፈ ሰኖታት ቅሩብ እብ አርአየ በቃዐት ልያቀት፡ ዎሮት ምን ሐዳይስ እት ዕን ለአተው መትባድራት ዐጀላት ጋብእ ሀለ።

ሄኖክ፡ ለዎሮት ኤርትራ መትባድራይ ሌጠ እንዴ ኢጉበኤ፡ ለዎሮት አፍሪቀ መትባድራይ እት ግራንድ-ቱር'መ ጋብእ ሀለ።

እተ ሐልፈ ወሬሕ ጁላይ፡ ቢንያም ግርማይ፡ ለዎሮት አፍሪቀ ዲብ ጅግረ ዱረ ፈረንሳ ክም ዐለ ለልትዘከር ቱ። እሊ በሀለት፡ ኤሪትሮን መትባድራት ዐጀላት እተ ዐባዩ ጅግራታት ዐጀላት ዐለም፡ ኤሪትርያ ሌጠ እንዴ ኢጉበኤ፡ ሐበን ወስሚት አፍሪቀ ራፍዓም ክም ህለው ለልከርኤ ሰመዕ በሰር ቱ።



1-0 ተመት። ሴም መብራህቲ፡ ለዐለ ፈሪቅ ደንደን እሊ ሰልፋይ እት 16ይት ደቂቀት እብ አተዩ ጎል ቱ ህዩ ለትዐወተው። ሳምሶም ሚክኤል ህዩ፡ ለሐሰ መተልህያይ ተህየበ።

ፕሪመር ሊግ ዲብ አወላይት ሳምንቱ

ለድቁብ ደውሪ ኮበሪት እግር እንግሊዝ -ፕሪመርሊግ፡ እግል ሰለስ ወሬሕ ዲብ ዕርፍ እንዴ ዐለ፡ እብ ሐዳይስ መተልህየት ወሐዲስ መንፈስ ለናይ ሰነት 2026/27 ምውሰሙ እንቡት ሀለ።

እት ፍገሪት እሊ ሰልፋይት ሳምን ምን እንረኤ።

ቼልሲ እግል ፋልሃም 3-2፡ ብራይተን እግል አስቶን-ቪላ 4-0፡ ብራንትፎርድ እግል ስፓርስ 3-0፡ ማንሲቲ እግል ቦርንግማውዝ 2-1፡ አርሰናል እግል ካሽንትሪ 3-0፡ ኢፕስዊች እግል ሳንደርላንድ 2-1፡ ሊድስ እግል ኖቲንግሃም 1-0፡ ኤቨርተን እግል ክሪስታል-ፓላስ 2-0 ወሃልሲቲ እግል ማን-የናይትድ 2-0 እት ቀለቦም፡ ኒ ው ካ ስ ል ወ ሊ ሸ ር ፑ ል ህዩ 2-2 ትፈናተው።



ብራይተን እግል አስቶን ቪላ (4-0)



ቼልሲ እግል ፋልሃም 3-2

እግል ነያረት ሄለል ሰብተምበር መትአንባት ግድለ ሰለሕ ሸዐብ ኤሪትርያ ለትዝመ ጅግረ ዐጀላት መዲነት ከረን፡ ሰንበት-ዐባይ 23 አጎስት ጅግረ 2ይት መርሐለቲ ወደ።

እት 54.6 ኪሎምትር ለትባደረየ አዋልድ፡ መትባድራይት ናዲ ሻልኩ ደሊና ዳዊት፡ እት ሳዐት 38.1 ኪሎምትር ዲብ ትትፊተት፡ እብ 1ሳዐት፡ 25 ደቂቀት ወ56 ካልኢት እት መትጃግረተ ዱረት እንዴ ዐጽፈት በይነ ጅግራህ አትመመት።

ነፍሰ ለመሳፈት ዲብ ለትጃገረው ውላድ መጅሙዐት 'ሐ'፡ ፍኖት ዘርኢይ ምን ዝብባንዳ እብ 1ሳዐት፡ 32 ደቂቀት ወ48 ካልኢት አወላይ አተ። መትባድራይ ሻልኩ - ፍጹም ፍሰሃይ ወምን ናዲ ላልምባ - ረዛቅ እስማዒል ህዩ፡ ካልኢይ ወሳልሳይ ደረጃት ጸብጠው።

መጅሙዐት 'ለ' ህዩ፡ 84 ኪሎምትር እተ ትባደረው። እት ሳዐት 38.1 ኪሎምትር ዲብ ከይዶ፡ ምን ናዲ ሻልኩ ኢዮቤል ጉብሬመስቀል እብ 2 ሳዐት፡ 12 ደቂቀት ወ13 ካልኢት ተዐወተ።

ከረን፡ ጅግረ ዐጀላት ልተላሌ



መትባድራት ፈሪቅ መዋሰላት ሐሰን ዐብደልሐሚድ ወያሲር መሐመድዑመር ህዩ፡ ደርቡ ሰማን ወ11 ካልኢት እንዴ ደንገረው ለአተው ቶም።

110 ኪሎምትር ለገልበበ ጅግረ መጅሙዐት 'ሀ' ውላድ፡ መትባድራይ ናዲ መዋሰላት - ድሌት ሳምሶም እብ 2 ሳዐት፡ 39 ደቂቀት ወ4 ካልኢት ተዐወተ እተ። ወድ ፈሪቅ ፋንኤል ፍረዝጊ፡ እብ ክልኤ ካልኢት ደርቡ 2ይ እት ለአቲ፡ መትባድራይ ፊድሲ ተመስገን ተውሌ ህዩ፡ ሰለስ ካልኢት እንዴ አክረ ሳልሳይ ደረጃት ጸብጠ። እሊ ዲቪዝዮን፡

እት ሳዐት 39.6 ኪሎምትር ልትፊተት ዐለ።

መትባድራት ዳ ኮርሶ ውላድ ዐባዩ ህዩ፡ 134.4 ኪሎምትር ርቱብ እሎም ዐለ። መትባድራይ ፈሪቅ አቁርደት ኢሳቅ ተወልዳ ህዩ፡ እብ 3 ሳዐት፡15 ደቂቀት ወ57 ካልኢት ዕውትለ መርሐለት ገኡ። ምን ፈሪቅ ፊድሲ - መትከል ደባሳይ እብ 3ሳዐት፡17ደቂቀት ወ51 ካልኢት ወመትባድራይ ፈሪቅ ሻልኩ ዮናታን ወልዳይ እብ 3ሳ፡17ደ፡52ካልኢት፡ ካልኢይ ወሳልሳይ አተው። እሊ ዲቪዝዮን እብ ለሐሰት ሸፋገት እት ሳዐት 41.1 ኪሎምትር ልሄር።

እትፋቅየት መከ



እቲ ሐልፊ ኢያም ትርክ፡ ፓክስታን ወሰድዮ “እትፋቅየት መከ” ለትሰሜት ሐዳስ ናይ ድፊዕ እትፋቅየት ክም ፈርመዮ እብ ገበይ ዓማታት ኣክባር ዐባዩ ዓለም ታብዐናሁ። እትፋቅየት መከ ፍንጌ ዌርሳይ መንበር ሰዑድዮ ኣሚር መሐመድ ቢን ሰልማን፡ ርኢስ ትርክ ረጅብ ጠይብ ኤርዶጋን፡ ወርኢስ ውዘራእ ፓክስታን ሸሻሸ ሸሪፍ እት መዲኒት መከ - ሰዑድዮ ትፈረመት። እብ ኣሳሰለ ፍንጌ እለን እብ ኣርድ ለኢልትሓደደ ሰለስ ደውለት ፍርምት ለህሌት እትፋቅየት፡ ዲብ ሐቲ ምን ለጀሬ ለገብኣ ልግባእ ምን ካርጅ ለመጽእ ህጁም ዲብ ሰልሲተን ክመ ገብኣ ልትሐሰብ። እሊ በህለት፡ እት ወክድ ሐርብ ልግባእ ውበዕድ ጅንስ ብቀት፡ እለን ድወል ሕድ እግል ልስደዩ ገለድ ዋድያት ህለዩ። እምበል እሊመ እትፋቅየት መከ፡ ፍንጌ ክለን ለህሌት ቅድረት ድፋዕ ለተዓቢ ተ።

ምናተ፡ ህደፍ ናይ እለ ፍንጌ፡ ትርክ፡ ሰዑድዮ፡ ወፓክስታን ፍርምት ለህሌት እትፋቅየት ድፋዕ እብል ትፈናተ ጅሃት ለትፈናተ መግኒ ልትህየበ ህለ። ገሌ እለን ድወል ለልትቃወማህን ድወል እግል ልጋብህ እለ እትፋቅየት ፈረመዮ ልብሎ እት ህለው፡ ብዕዳም ብዝሓም መሐልን ሲያሰት ህዩ እትፋቅየት መከ ምን መተንክብ እት ኣሚርክ እግል ልፍገረ ፈረመያህ ልብሎ። ምናተ ትርክ፡ ሰዑድዮ ወፓክስታን ለእትፋቅየት ዲብ መደት ስድት እግል ልትሓደደ እንዴ ቤለዩ ለፈረመያህ ክምተ ሸርሐ። ርኢስ ትርክ ረጅብ ጠይብ ኤርዶጋን ለእትፋቅየት፡ እበ ክስስ ምስል ርኢስ ኣሚርክ ዶናልድ ትራምፕ ዲብ ህድገ እቲ ወክድ፡ እትፋቅየት መከ ሰላም ወክምን መንጠቀት ለተኣደምን ክምተ ሐበረ። ርኢስ ኤርዶጋን እንዴ ኣትለ እትፋቅየት መከ ዲብ ሰለስ እለን ደውለት እንዴ ኢትትከለብ፡ ክለን እት መንጠቀት ለህለዩ ድወል እግል ትሕቀፍ ምራድ ክምቡመ ኣብረህ። ሰዑድዮ ትርክ ወፓክስታን ለገብኣት እት መንጠቀት ለህሌት ደውለት እግል ትትሓበር እት ክም ትቀድር እንዴ ኣባደረዩ ሻርሓት ክም ዐለዩ ልትህደግ።

እትፋቅየት መከ እብል ትፈናተ መጽሓተ ምስል ዲብ ማደት 5 ናይ እትፋቅየት ሕልፍ ቅብለት ኣትሓንቲክ (ኔቶ) ክቲብ ለህለ ኣፍካር ልትማሰል። ዲብ ማደት 5 ሕልፍ ቅብለት ኣትሓንቲክ፡ ክቲብ ለህለ ጽበጥ ዶል እንርኢ፡ ለገብኣት ዲብ ኣርብ ልግባእ ወቅብለት ኣሚርክ ለህሌት ዕዱ ናይለ ሕልፍ ላተ ደውለት ምን በረ ህጁም ዶል ሳድፊ ለተርፊዩ ኣንፋርለ ሕልፍ ላተን ድወል መጦረ እንዴ በጥረዩ እግል ልስደያህ በን ለልብል ተ። እትፋቅየት መከ ክእነ ለመስል ጽብጥ ቤ፡ ዲብል ገብኣ ወቅት

ሰዑድዮ ትግበእ ወትርክ ኣው ፓክስታን ምን ደውለት ብዕደት ህጁም ዶል ሳድፊ ለክልኤ ድወል መጦረ ዲብ ሐርብ ሻርክ በህለት ተ። ምናተ ዲብ ፍጻልዩ፡ ፈርህት ክም ህሌት ብዝሓም መሐልን ሲያሰት ለህድግ፡ ኣለት ፓክስታን ክም መስል እንዴ ነስኣው ለዐድ ምስል ህንድ ዲብ ሐርብ ሐዲስ ሐቅ ኣቲት፡ ሰዑድዮ ወትርክ መጦረ ህንድ እግል ልዝበጠ ልትቀሰበ በህለት ተ። እሊ ህዩ መሻክሉ እግል ልክበድ ቀድር። እብሊ ሰብ ዲብ ገሌ እትጅሃቲ ለለኣትሃጌ ጋብኣ ክም ህለ ለመሐልን ሸርሐ።

እትሊ ወክድ ኣግደ ልትህደግ እቡ ለህለ ሐርብ ኢራን ክምቲ ነኣምር። ድወል ዓለም ለሐርብ ምግባይ ምፍጋር ጽሓይ ሰብሉ ለህለ መሻክል እንዴ ጌመመዮ ሐቲ ክእብ እንክረ ጅህድ እት ትወዴ እንርእየን ህሌ። ብዝሓም መሐልንመ ህደፍ ናይ እለ እትፋቅየት ሐዳስ ፍርማት ለህለዩ ሰለስ ደውለት፡ ሐርብ ኢራን እግል ልጋብህ ክምቲ ሸርሐ ህለው። ክመ ቀደም እለ ለትሸርሐ እለን ሰለስ ደውለት እብ ምድር ኢልትሓደደ። ምናተ ሰዑድዮ እብ በሐር ምስል ኢራን ትትሓደድ። ፓክስታን ህዩ ምስል ኢራን እብ ምድር ትትሓደድ። ለመሐልን ምን እሊ እንዴ ትበገሰው ህደፍለ እትፋቅየት መጋብህት ኢራን ቲ ልብሎ ለህለው። ምናተ ወዚር ካርጅዮት ፓክስታን ኢሻቅ ዳር ሰብ ሰልጠት ትርክ ውበዕዳም ሰብ መዝ ዲብ ህበወ ሸርሕ ረሰሚ፡ ህድግ እትፋቅየት መከ ቀደም ሐርብ ኢራን ዲብ ሰነት 2024 ለኣንበተት ክምተ ወለገብኣት ደውለት ለኣመመት ክም ኢኮን ለሐብር። ዲብ እትፋቅየት መከ ክቲብ ለህለ ማዳት ወጽበጡ ሚ ክም ተ። ሸርሕ ምንመ ኢሊህሌ ህደፍ ምን ለትመጽእ ፈርህት፡ ሕበር ዳፍዖት

ክምቲ ሰለስ ለደውለት ሸርሐ።

በዐል ንሳል ውዛረት ካርጅዮት ኢራን እስማዒል በጋይ፡ ዐዱ እበ እብ ሰዑድዮ፡ ትርክ ወፓክስታን ለትፈረመት እትፋቅየት ለተኣሰፊ ክም ኣለበት ኣፍህመ። ህቲ እንዴ ኣትለ ሰለስ ለደውለት ናይ ካርጅ ፈርህት ኣምን ወዕስከርዮት እግል ልክበድ ዲብ መሸንገል ኣሚርክ እግል ልግባእ ክም ኢቀድረ እንዴ ፈህመዮ ለሕልፍ ክም ኣሰሰዩ ሸርሐ። ክመ ልትኣመር ሐርብ ኢራን እት ክለ ዓለም ወእት ምግባይ ምፍጋይ ጽሓይ እብ ፍንቲት መሻክል እጅትማዕየት ወእቅትሳድ ክቡድ ሰበብ። ላመ ሐርብ ለወደዩ ኣሚርክ ወኢራን ምን ገብኣ፡ ደረር ጀረ ዲብ። ላመ እብ ሐለተ ዲብ ወቅት ሐጪር ኢራን እግል ተኣብርክ ለኣመመት ኣሚርክ ሕልመ ኣማን ኢገብኣ። እትሎም ለሐልፊው ሰበ ወርሕ ዲብ ኢራን ህጁማት እግል ቲዴ በላዩን ዶላራት ኣብዴት። ምን እንዴ ትበገሳቲ በዐል ንሳል ውዛረት ካርጅዮት ኢራን እስማዒል በጋይ፡ ኣሚርክ ድወል ብዕድ እግል ትሰዴ እትለ ኢትቀድር እት ደረጀት ባጽሐት ክም ህሌት ሸርሕ

ለህለ።

ገሌ ድራሳት ክመ ለሐብሩ እት መቅደረት ዐስከርዮት ትርክ፡ ሰዑድዮ ወፓክስታን ምን ሕድ ኢሊሐምቀ። ነፈር ሕልፍ ቅብለት ኣትሓንቲክ ላተ ትርክ፡ ሐቲ ምን ዲብ ሕልፍ ለበዝሐ ዴሽ ለበ ደውለት ተ። እምበል እሊመ ትርክ ናይ እለ መደት ለትጠወረ ኣሰለሐት ክም በ ትትህደግ። እለ ሰናዕት ዐስከርዮት ዐባይ ለበ ደውለት እብል ምስል ሰዑድዮ ወፓክስታን ፍርምተ ለህሌት እትፋቅየት ኣብኮት ዐስከርዮት ዐቢ እግል ትርክብ ክም ትቀድር ልትኣመን። እሊ በህለት ለናሰ ተኣፈርዩ ኣሰለሐት እትለን ክልኤ ደውለት ዐዳገ እግል ትርክብ እግሉ ትቀድር። ሐለት ዐስከርዮት ናይለ ኣሰለሐት ነወደ ክም ትመልክ ለልትህደግ እበ ፓክስታመ ዐባይ ተ።

ፓክስታን ፈድለ ዲብ ሐልፊ ዐስርታት ሰኒን ምስል ህንድ ለወዴቲ ሐርብ፡ ተጃርብ ካስበት ለህሌት ደውለት ክምተ ልትህደግ። ዲብ ሐልፊት ሰነት ምስል ህንድ ዲብ ሐርብ ኣትየት ለዐለት

ፓክስታን፡ ለደግሸ እትሊ ወክድ ሃድኣ ምንመ ህለ፡ ክም ከረ ትርክ ወሰድዮ ለመስለ ድወል ድቁባት መጦረ ህለዮተን እግለ ዐቢ ናይ ሲያሰት ወዕስከርዮት መንፈዕት ቡ። ፓክስታን እምበል እሊመ ለፍንጌ ኣሚርክ ወኢራን ገብኣ ለህለ ሐርብ እብ ሰላም እግል ልስከብ ክም በዐል ምግብ (መዚርናይት) እንዴ ገብኣት ትሻርክ ዐለት። እሊ ዲብ መንጠቀት ለህለ እግለ ተኣሲረ ወስምዕተ ወቀሉ። ዲብ እትፋቅየት መከ ሳልሳይት ደውለት ለህሌት ሰዑድዮም ምን ትርክ ወፓክስታን ለኢትደህር ቅድረት ዐስከርዮት ህሌት እግለ። ሰዑድዮ እትሊ ወክድ ምን ቅብለት የመን ጽብግም ለህለው ቅዋት ሐቲ ህጁማት ጀሬ እት ሰበት ህለ፡ ዝያድ ምን እለ እትፋቅየት ለትከሰብ ክምተ መሐልን ሸርሐ። ምናተ እትፋቅየት መከ ዲብ ኣርድዮት ኣክል ኣዩ ክም ትሸቁ ዲብ መጽእ ወክድ ቅሩብ እግል ልትፈረድ ክም ቀድር ብዝሓም ልትሃገው።

ዴማት፡ ጀሪደት “ኣዳስ ኤርትራ”፡ ሰነት 35፡ ዕልብ 304፡ የም 21 ኣጎሰት፡ 2026፡ ገጽ 3

